

四庫全書

史部

欽定四庫全書

史部

御批資治通鑑綱目卷四十三下

詳校官修撰

臣錢棨

編修

臣程嘉謨覆勘

總校官降調編修

臣

倉聖脉

校對官中書

臣

宋枋遠

謄錄監生

臣

許思光

欽定四庫全書

御批資治通鑑綱目卷四十三下

庚午十八年春正月以裴光庭為侍中○二月初令百官

休日選勝行樂

初令百官于春月旬休選勝行樂自宰相至員外郎凡十二筵各賜錢五千緡或御花萼樓選其歸騎留飲迷使起舞集覽旬休每十日賜與百官一休盡歡而去假也選勝選擇勝聚去處

書法

書初令何譏教逸也欲逸人心之所不免也上復令之莫敢不從矣自是以至於天寶之

亂故書初

發明

書曰警戒其臣以夙夜出納惟允臣戒其君以時

一日二日萬幾夫以雍熙盛際至治之極君臣相與告戒者如此則其餘從可知矣開元之時雖曰民物阜康然猶未及唐虞之盛而驕怠之萌已駸駸乎不可遏其不克終之漸蓋已形見于此書初令百官選勝行樂則玄宗侈汰自滿之意為何如哉治道雖欲加進尚可得乎

夏四月築西京外郭

九旬而畢

以裴光庭兼吏部尚書

先是選司注官惟視其人之能否或不次超遷或老於下位有出身二十餘年不得祿者光庭始奏用循

資格各以罷官若干選而集官高者選少卑者選多
無問能否選滿則注非負譴者有升無降庸愚皆喜
謂之聖書而才俊之士無集覽各以罷官若干選而
不怨嘆宋璟爭之不能得集各以謂下文官高
者卑者也罷官謂罷劇就閒者也若干數未定之辭
不拘多少為一選聚集而銓注也如天寶二年選人
集者以萬計是已

書法

兼官未有書者書光庭何譏也用循資格自
光庭始故謹志之是故志罷四時選之失則

馬周以撰書志用循資格之失則光
庭以兼書吏部尚書綱目每謹書之

六月以忠王浚領河北道行軍元帥帥十八總管討奚

契丹考證

討當作伐

浚即陝王嗣昇更封改名也初契丹王李邵固遣可
突干入貢李元絃不禮焉張說曰可突干狡而狠專
其國政久矣人心附之今失其心必不來矣至是可
突干弑邵固叛降突厥制以忠王浚領元帥御史大
夫李朝隱京兆尹裴佑先副之帥十八總管以討奚
契丹命浚與百官相見張說謂人曰吾嘗觀太宗畫
像雅類忠王此社稷實質實陝州名注見周顯王四十
之福也然浚竟不行質實五年一統志云忠州名本
春秋戰國時巴地秦屬巴郡漢置臨江縣東漢末屬
永寧郡梁置臨江郡後周兼置臨江州隋郡州俱廢義
寧初復置臨江州唐改忠州以巴臣蔓子及郡守嚴顏
皆著忠烈故名天寶初改南賓郡乾元初復為忠州
併隸山南道宋陞為咸淳府元復為忠州併
臨江縣入焉至本朝因之改隸重慶府

書法

奚契丹自開元以來皆書擊此其書
討何討弑君也綱目之筆削嚴矣

洛水溢質實

洛水注見漢高后三年

溺千餘家

冬十月吐蕃遣使入貢

吐蕃兵數敗而懼乃求和親忠王友皇甫惟明因奏
事從容言和親之利上曰贊普嘗遣吾書悖慢此何
可捨對曰贊普當開元初年尚幼穉安能為此殆邊
將詐為之欲以激怒陛下耳夫邊境有事則將吏得
以因緣盜匿官物妄述功狀以取勲爵此皆姦臣之
利非國家之福也兵連不解日費千金河西隴右由
茲困弊陛下誠命一使往視公主因與贊普相約結
使之稽顙稱臣永息邊患豈非御夷狄之長策乎上
悅命惟明與內侍張元方使于吐蕃贊普大喜
遣其大臣論名悉獵隨惟明入貢遂復款附

集覽

論名悉獵名悉獵吐蕃大臣之名質實從容注見秦也其俗不言姓應王族皆稱論質實二世二年

是歲天下奏死罪二十四人

胡氏曰以文觀之九州之大一歲死罪止于如此幾於刑措矣以實論之立宗方以奢汰逸樂教有邦則訟獄曲直安得一一辨白無乃慕刑措之名有當死而幸免者乎然則姦猾逋誅而平人冤抑者衆矣

辛未十九年春正月王毛仲有罪賜死

初毛仲以嚴察幹力有寵百官附之輻湊毛仲嫁女上問何須毛仲頓首謝曰臣萬事已備但未得客上曰知卿所不能致者一人耳必宋璟也朕為汝召客明日詔宰相與諸達官詣之日中璟乃至先執酒西向拜謝飲不盡庖遽稱腹痛而歸其剛直之操老而彌篤如此毛仲與龍武將軍葛福順為婚吏部侍郎

齊澣言於上曰福順典禁兵不宜與毛仲為婚且毛仲小人寵過生姦不早為之所恐成後患上然其言澣曰君不密則失臣願陛下密之退以語大理丞麻察察遽奏之上怒制澣察交構將相離間君臣皆貶嶺南由是毛仲驕恣曰甚福順倚其執多為不法毛仲求兵部尚書不得快快上由是不悅時上寵任宦官往往為三品將軍門施榮戟奉使所過賂遺少者千緡京城第舍郊畿田園參半皆宦官矣楊思勗高力士尤貴幸毛仲視之若無人毛仲妻產子三日上命力士賜之甚厚且授兒五品官毛仲抱兒示力士曰此豈不堪作三品邪力士歸奏之上大怒曰昔誅韋氏此賊心持兩端今日乃敢以赤子怨我力士因言北門奴官太盛不早除之必生大患上恐其黨驚懼為變貶毛仲福順等於遠州追賜毛仲死自是宦官勢盛力士尤為上所寵信表奏

集覽

達官顯真卿皆先呈之小事即決執傾內外

傳諸司長官

者達官也皆得專達于天子梁戟注見漢宣帝甘露
三年參半參倉舍反三相參曰參猶言大半也北門
宦官唐分宦寺為北司故稱北門初制質實輻湊注
宦寺不任以事惟廷內掃除故稱官奴質實見漢文
帝六年

以詩書賜吐蕃

吐蕃使者稱公主求毛詩春秋禮記正字于休烈上
疏曰東平王漢之懿親求史記諸子漢猶不與况吐
蕃國之寇讎今資之以書使知權畧愈生變詐非中
國之利也裴光庭等奏吐蕃久叛新服因具有請賜
以詩書庶使漸陶聲教化流無外休烈徒知書有權
畧變詐之語不知忠信禮義皆從書出也遂與之
質實
東平王名蒼漢明帝母弟

上躬耕於興慶宮側考異

上當作帝質實興慶宮注見開元二年

畫三

百步

書法

書嘉重農也綱目籍田外書耕四未有書躬者此其書躬何漢武明章皆巡幸于外將有

事者也若立宗則誠所謂重農者矣是時立宗猶有可書之善故綱目詳之躬耕興慶宮側則書茭

麥苑中則書終綱目書耕四詳漢武帝征和四年舍是無書矣

三月置太公廟

令兩京諸州各置太公廟以張良配享選古名將以備十哲以二八月上戊致祭如孔子禮司馬公曰經緯天地之謂文戡定禍亂之謂武自古不兼斯二者而稱聖人未之有也豈孔子專文而太公專武乎自

生民以奉未有如孔子者豈太公得與抗衡哉古者有發命大司徒教士以車甲贏股肱決射御受成獻馘莫不在學欲其先禮義而後勇力也自孫吳以降皆以勇力相勝狙詐相高豈足數于聖賢之門而謂之武哉使太公有神

集覽

有發發謂徵發也獻馘詩必羞與之同食矣

津水篇在津獻馘箋云馘

所格者之左耳音古獲反狙詐相高各尚權謀也楊子問道篇曰狙詐之家注狙猶莊子狙公朝三暮四以智籠眾狙即狙詐之家也言質實太公注見漢桓兵法權謀家流用此巧詐之計帝永康元年稷卨伊呂張良具先韓人也家世相韓秦滅韓良為韓報讎不果已匿下邳遇黃石公授與姜太公兵法乃佐漢高帝滅秦天下既定封留侯因謝病辟穀棄人間事從赤松子遊卒諡文成侯先儒謂具有儒者氣象選古名將以備十哲唐肅宗時尊姜太公為武成王以歷代良將田穰苴孫武吳起白起樂毅張良韓

信諸葛亮李靖李勣十人為十哲配享廟庭孫吳謂
孫武吳起也孫注見開元二十四年吳注見中宗嗣
聖七年

書法

書識也於是帝事邊功故有此置而以白
起革為十哲帝之將以兵終其兆見矣

發明

西晉惠帝之時諸王府置官武號森列識者
知其兵亂之未已立宗喜事邊功當四方寧

謚之際乃無故置太公廟於兩京諸州間而又致
祭如先聖禮然則兵戈之兆蓋自此始矣抑嘗考

唐志開元十九年始置太公廟以古名將為十哲
配享而不言其人至上元元年始著十哲之名而

居其首者乃白起耳起在戰國屠殺之多見於史
冊所載其可考之數凡七八十萬人唐自太公置

廟之後西北二邊用兵不已南詔之敗至于喪師
二十萬眾未幾逆胡犯關四海分崩流為藩鎮之

禍生民屠戮幾盡極而至於五代然後已其害豈
不甚慘綱目書置太公廟所以志右武好兵之始
爾天下兵禍何
終而弭乎吁

冬十二月幸東都考異

此上亦漏帝
字幸當作如

○殺雋州都督張

審素

或言雋州都督張審素賊污制遣監察御史楊汪按
之總管董元禮殺告者以兵圍汪謂曰善奏則生不
然則死會救兵至擊斬之汪質實雋州注見漢武帝
遂奏審素謀反審素坐斬元鼎六年越雋張
審素河
東解人

書法

審素賊污不無罪矣其以無罪書殺何賊罪
未明而罪以反則殺之不以其罪也綱目之

法雖有罪而殺之不以其罪一以無罪之辭書之故審素書殺而不去其官

浚苑中洛水

六句
而罷

申^士二十年春正月遣信安王禕將兵擊奚契丹大破之

以信安王禕為行軍總管戶部侍郎裴耀卿副之與幽州節度趙含章分道擊奚契丹含章與虜遇虜望風遁去平盧先鋒將烏承玘言於含章曰二虜劇賊也非畏我而遁乃誘我耳宜按兵以觀其變含章不從與戰大敗承玘別引兵出其右擊虜破之禕等大破奚契丹可突干遠遁奚酋李詩瑣高帥五千餘帳來降禕乃集覽可突干契丹大臣名奚酋李詩瑣高奚國酋長姓李名詩瑣高質實引兵還

平盧鎮名注見代宗大歷十
年烏承玘張掖人承恩族弟

二月朔日食○夏四月宴百官於上陽東洲

醉者肩輿以
歸相屬於路

敕裴光庭蕭嵩分押左右廂兵○秋八月朔日食○九

月開元禮成

初命張說與諸學士判定五禮說堯蕭嵩繼之請依
上元敕父在為母齊衰三年從之至是書成上之號
曰開元集覽五禮注見梁武帝天監十一年上元敕記
元禮集覽喪服四制曰家無二尊故父在為母齊衰
期者見無二尊也高宗上元中武后
請父在為母服三年故曰上元敕

書法

書禮成何成之為禮也故成之為禮則前書命張說修五禮後書開元禮成不成之為禮

則前書命曹褒定漢禮而後書奏所撰制度漢章帝建和三年

冬十一月祀后土於汾陰十二月還西京考異

按凡例還宮間

無異事不書帝此間有異事還上漏帝字

初蕭嵩奏自祠后土以來年穀屢豐宜因還京賽祠上從之是歲天下戶七百八十六萬一千二百三十六口四千五百四十三萬一千二百六十五

癸酉二十一年春正月遣大門藝討渤海不克考證

討當作擊

初渤海靺鞨王武藝遣將冠登州殺刺史至是上遣大門藝發幽州兵討之無功而還武藝怨門藝密遣

客刺之

集覽

渤海靺鞨王武藝注見隋文帝開皇十八年靺鞨

質實

一統志云登州

古為斟尋國唐虞時為岷夷地春秋時為年子國戰國屬齊秦為齊郡地漢屬東郡後魏析東萊郡地於黃縣東中郎故城置東牟郡北齊省東牟入長廣郡自昌陽縣移長廣郡治中郎城隋初廢郡置牟州大業初州廢唐復置牟州治年平又置登州治文登貞觀間二州俱廢如意初復置登州於年平縣神龍間徙治蓬萊縣天寶初改州為東牟郡乾元初復為登州屬河南道宋屬京都路金屬山東東路元初屬並都路後屬般陽路至本朝初屬萊州府後陞為登州府隸山東道

三月裴光庭卒

太常博士孫琬議光庭用循資格失勸獎之道請諡曰克其子訟之賜諡忠獻

發明

人臣之卒書爵不書爵前已論之詳矣玄宗之世大臣卒者凡十一人而書爵者八盧懷

慎王仁皎劉子元姚崇宋璟蘇頲張嘉貞九齡是已其不書爵者三光庭仙客林甫是已以是觀之可以知其選也夫光庭比之仙客林甫則有間而比之姚宋諸人則不侔矣况又用循資格賢愚同滯有如當時之議者乎不書其官非過貶也

以韓休同平章事

上問蕭嵩可以代光庭者嵩欲薦散騎常侍王丘丘讓於韓休嵩言之上以為相休為人峭直不干榮利始嵩以為恬和易制故引之及與共事守正不阿嵩漸惡之宋璟歎曰不意韓休乃能如是上或宴樂遊獵小有過差輒謂左右曰韓休知否言終諫疏已至左右曰韓休為相陛下殊瘦於舊何不逐之上歎曰

吾貌雖瘦天下必肥蕭嵩奏事常順指既退吾寢不安休常力爭既退吾寢乃安吾用休為社稷耳非為身也有供奉侏儒黃軫上常憑之以行寵賜甚厚一日晚入上怪之對曰尋逢捕盜官與臣爭道臣掀之墜馬故晚因下階叩頭上曰但使外無章奏汝亦無憂有頃京兆奏其狀上即叱出杖殺之

集覽

峭直峭本作峭音七笑反漢鼂錯為人峭直瓚曰峭峻匪也供奉侏儒黃軫供奉宦官也侏儒短小人也黃軫姓名也軫蒲眠反記樂記及質實韓休長安人優侏儒左傳我君小子侏儒是使質實大智之子

閏月幽州副總管郭英傑與契丹戰敗死○夏六月制

選人有才行者委吏部臨時擢用

時雖有此制而有司以循資格便於已猶踵行之是時官自三師以下一萬七千六百八十六員吏自佐

吏以上五萬七千四百一十六員而入仕之塗甚多不可勝紀

秋七月朔日食○冬十月左丞相宋璟致仕歸東都

書法

綱目書致仕多矣未有書所歸者書歸東都何惜賢者之遠也綱目書致仕二十二詳漢

宣帝本始三年致仕書所歸者一而已

○蕭嵩韓休罷耆異

按分注此條提要當接下條提要共為一條為是其發明當移之於

後

發明

用賢去佞人主之能事也然所用者未必賢所去者未必佞則亦以主德不明不能察之

耳夫苟知之則必能審所擇矣異哉明皇之用人乎明知韓休之忠直且有吾用休為社稷之語然

自三月相之十月而罷則是所用纔七八月耳他時明知林甫忌賢嫉能無與為比而相之至歷十九年自古人君用人未若玄宗之異者即綱目之所書考歲月之久近具義曉然見矣

以裴耀卿同平章事起復張九齡同平章事考異

此條當接

條上

公數與嵩爭論於上前面折嵩短嵩因乞骸骨上曰未厭卿卿何為遽去對曰陛下未厭臣故臣得從容引去若已厭臣首領且不保安能自遂因泣下上不為之動容乃皆以為丞相罷政事時九齡居母喪自韶州入見求終喪不許胡氏曰宰相師表百僚其進必以禮退必以義然後人心服而政教行當是時朝廷非有金草危急之事而起九齡於衰服之中九齡非有無所避焉之義而釋齊麻于巖廊之上上下

交失也而在九齡則尤甚矣且辭而不起當身居苦次今乃遠詣京師辭又不力九齡於是乎失正矣春秋責備賢者是

集覽

金草危急之事注見晉元帝永昌元年無所避焉之義避本作

辟記喪大記篇金草之事無辟也者注見同上苦次苦始占反草也孝子以為覆席次喪次也凡言次者倚廬坐室

質實

韶州注見晉愍帝建興三年

書法

同平章事一也別書之何重起復也杜還為都護不書起復此何以書非有金草之事而

奪人之喪自奪其喪皆可讖也綱目書起復七

詳太宗貞觀十五年

惟田布非讖辭

發明

書蕭嵩韓休罷既見忠佞之無別書起復張九齡又見使臣不以禮夫于志寧起復為東

官官屬且猶不可況宰相師表四海者乎綱目於二人同為平章事而兩言之者書之重詞之複所

以深識之耳若九齡不能終制之失則亦不待貶絕而自見矣

分天下為十五道置采訪使

京畿都畿關內河南河東河北隴右山南東西劔南淮南江南東西黔中嶺南凡十五道各置采訪使以六條檢察非法兩畿以中丞領之餘皆擇貳刺史領之惟變革舊章乃須報可自餘聽便宜從事先行後聞

集覽

京畿都畿京畿采訪使治京城都畿采訪使治東都六條注見漢獻帝建安二十五年

以楊慎矜知太府出納

楊政道之子崇禮為太府卿二十餘年前後莫能及至是以戶部尚書致仕上問宰相崇禮諸子誰能繼其父者以慎矜對乃擢為監察御史知太府出納稱職上甚悅之慎矜奏諸州所輸布帛有漬污穿破者

皆下本州徵折估錢轉
市輕貨徵調始繁矣

質實

太府事物紀原云周禮
天官冢宰之屬有太府

下大夫梁武帝天監七年始置太府卿續事始則
云梁天監中置少府卿後魏太和中改為太府

書法

知出納未有書者書慎矜何志培克也宇文
融之後以興利逢君者稱慎矜焉故詳錄之

發明

前書宇文融為勸農使為九河使雖志在興
利然具名猶正也至是書楊慎矜知太府出

納則好貨之心著
矣故特書以志之

甲戌
二十二年春正月幸東都考異

此上亦漏帝
字幸當作如

書法

玄宗於是五幸東都矣五年正月一書十年
正月再書十二年十一月三書十九年十二

月四書今年正月五書近者十月遠者三年而後
還計二十四年之中在東都者居半非東都宮內

有怪書幸東都未已也自書還
西京而後率皆華清之歲月矣

○二月秦州地震質實

秦州注見漢光武
建武元年天水

壓死四千餘人
遣蕭嵩賑恤之

夏五月以裴耀卿為侍中張九齡為中書令李林甫同

三品

張九齡請不禁鑄錢救百官議之裴耀卿等曰一啓
此門恐小人棄農逐利而濫惡更甚秘書監崔沔曰
若稅銅折役計估度庸則官治可成而私鑄無利矣
且錢之為物貴以通貨利不在多何待私鑄然後足
用乎左監門錄事參軍劉秩曰夫人富不可以賞勸
貧不可以威禁若許私鑄貧者必不能為之臣恐貧

者益貧而役於富富者益富而逞其欲也上乃止秩
子玄之子也林甫柔佞多狡數深結宦官及妃嬪
家伺候上動靜無不知之由是每奏對常稱旨時武
惠妃寵頌後宮生壽王瑁太子浸踈薄林甫乃因宦
官言於惠妃願盡力保護質實壽州名注見泰
壽王妃德之陰為內助質實王政六年壽春

上艾麥於苑中考異

上當作帝

上種麥苑中帥太子以下親往艾之謂曰此所以
薦宗廟不敢不親且欲使汝曹知稼穡艱難耳質

實

稼穡注見晉高
祖天福八年

以裴耀卿為江淮河南轉運使置河口輸場

初上以關中久雨穀貴將幸東都召耀卿謀之對曰
關中帝業所興當百代不易但地狹穀少故乘輿時

幸東都以寬之臣間貞觀永徽之際祿粟不多歲漕
關東一二十萬石足以周贍今用度浸廣運數倍於
前猶不能給故使陛下數冒寒暑以恤西人今若使
司農租米悉輸東都而轉漕以實關中則關中有數
年之儲而無水旱之憂矣且吳人不習河漕所在停
留遂生隱盜臣請於河口置倉使吳船至彼輸米而
去官自雇載分入河洛於三門東西各置一倉至者
貯納水險則止水通則下或開山路車運而過則無
復留滯省費鉅萬矣上深然其言至是以耀卿為江
淮河南轉運使於河口置輸場場東置河陰倉西置
柏崖倉三門東置集津倉西置鹽倉鑿漕渠十八里
以避三門之險先是舟運江淮之米至東都含嘉倉
僦車陸運三百里至陝率兩斛用十錢耀卿以江淮
舟運悉輸河陰倉更用舟運至含嘉倉及太原倉自
太原倉入渭輸關中凡三歲運米七百萬斛省僦車
錢三十萬緡或說耀卿獻之耀卿曰此公家贏縮之

利耳奈何以市寵乎
悉奏以為市糴錢

集覽

河口在鄭州武牢三
門山名在陝州平陸
質實

河洛二水名河注見宋文帝元嘉二十七年洛注見
漢高后三年三門山名注見漢成帝綏和二年砥柱
河陰縣名注見漢光武建武十五年柏崖倉莫詳處
所唯懷慶府濟源縣境有柏崖城唐初王世充以懷
州僑治此未知是否陝州名注見周顯
王四十五年渭水名注見漢高帝五年

以方士張果為銀青光祿大夫

初張果自言有神仙術堯時為侍中多往來恒山中
相州刺史韋濟薦之上遣璽書迎入禁中以為光祿
大夫號通玄先生厚賜遣歸後卒好
事者以為尸解上由是頗信神仙

集覽

尸解漢方
術傳注尸

解言將登仙假托為尸以解化也
顏色如生體亦柔軟舉尸入棺甚輕如空衣然以為

尸解得仙也又注見秦

質實

恒山注見周安王十六年相州注見漢元帝建

始二年魏郡壘書注
見漢光武建武三年

書法

於是帝頗信神仙矣與度鄭郭為道士者如
二人焉書曰以方士為銀青光祿大夫具襲

名器
甚矣

發明

所謂方士者蓋方外之士也而張果又自言
有神仙術堯時為侍中則其視後世官爵為

何物哉當怪世之好異者於浮屠之死則言寂滅
於方士之死則言尸解要之不免於死則其為欺
誕可知矣况堯時固未聞有所謂侍中之官使果
為之更歷虞夏商周之世何畧無所聞耶以秦皇
漢武窮幽極遠汎海求之于時方士交薦于天下
顧不能羅而致之是又何耶書以方士為銀青大

夫則明皇惑於神怪此徒詐世取寵皆具見矣況未幾而遂死乎

冬十二月朔日食。幽州節度使張守珪斬契丹王屈烈及可突干

時可突干連年為邊患守珪屢擊破之可突干困迫遣使詐降守珪使管記王悔就撫之悔至而契丹初無降意密遣人引突厥謀殺悔悔知之以牙官李過折與可突干爭權不協說使圖之過折夜勒兵斬屈烈及可突干帥眾未降上美守珪之功欲以為相張九齡曰宰相代天理物非賞功之官也上曰假以名而不使任其職可乎對曰惟器與名不可以假人君之所司也守珪纔破契丹即以為相若盡滅奚厥將以何官賞之乃以為羽林大將軍**集覽**牙官戎狄大兼御史大夫賜二子官賞賚甚厚

達官惟器與名不可以假人左傳成二年衛孫桓子與齊師戰將敗新築人仲叔于奚救桓子是以免既衛人賞之以邑辭請曲縣繁纓以朝許之仲尼聞之曰惜也惟器與名不可以假人君之所司也名以出信器以藏禮若以假人與人政也政亡則國家從之注器車服所以表尊卑名爵號名位不愆為民所信奚厥或解云奚與突厥也一本直作突厥

突厥殺其毗伽可汗考異

殺當作弒

毗伽為其大臣梅錄毀所稱毒而死子登利可汗立

集覽

梅錄毀梅錄突厥別部之號毀其大臣之

置病坊

禁京城旬者置
病坊以廩之

乙亥

二十三年春正月耕籍田御樓酺宴考異

耕上漏
帝字

上耕籍田九推乃止公卿以下皆終畝上御五鳳樓
酺宴時命三百里內刺史縣令各率所部音樂集樓
下較勝負懷州刺史以車載樂工數百皆衣文繡魯
山令元德秀惟遺樂工數人連袂歌于為上曰懷州
之人其塗炭乎立以刺史為散官
德秀性介潔質樸士大夫服其高
集覽上耕籍田九
漢文帝二年親耕籍田酺宴酺注見開元元年大酺
于為歌名元德秀所作帝聞而異之嘆曰賢人之言
哉通鑑考異曰明皇雜錄作于為新傳
質實魯山縣
作于偽此義未詳今從雜錄為羽委反
質實
名注見
漢獻帝初平元年
元德秀河南人

欽定四庫全書

御批資治通鑑綱目
卷四十三下

十六

書法

書耕籍何重宗廟也終綱目耕籍田十詳漢文帝二年舍是無書者矣

發明

前書令百官行樂此書御樓酺宴則立宗之志至是為益荒矣吁

三月張璪張琬殺殿中侍御史楊汪以復父讎敕杖殺

之

初汪既殺張審素審素二子璪琬皆幼坐流嶺表尋逃歸手殺汪於都城繫表于斧言父冤狀欲之江外殺與汪同謀者為有司所得議者多言二子穉年孝烈宜加矜宥張九齡亦欲活之裴耀卿李林甫以為壞法不可上然之乃下敕曰國家設法期于止殺各伸為子之志誰非狗孝之人展轉相讎何有限極宜付河南府杖殺士民憐之為作哀詠飲錢葬之胡氏曰復讎同人之至情以立臣子之大義也讎而不復

則人道滅絕天理淪亡矣璠琇忿其父死之寃亡命報之其失在不訟于司寇其志亦可矜矣宋璟欲宥之豈非為此乎而裴李之言何其戾哉但以非司寇而擅殺當之仍矜其志則免死而流放之可爾若直殺之是楊氏以一人而當

集覽

貞觀七年刑赦之頗

張氏二人之命不亦頗乎

書法

璠琇何審素子也審素前以無罪書矣于是書復父讎而列叙二子義之也而杖殺之甚

矣書曰救病其上也

發明

禮有復讎之文然蘇既殛死禹乃嗣興者不敢廢至公也前開元十九年冬綱目於張審

素之死書殺書罰則死非其罪明矣璠琇幼穉既能復父之讎是其志亦可嘉況二子繫表于斧言父寃狀則當時盍與辨明是否使審素果以寃死則二子豈容誅殛如其不然是以王法為讎更相

報復而已不可赦也今不此之思乃止斷以相讎之說果何謂哉故綱目特揭以復父讎書之者蓋予之也而曲直當否之別亦判然矣二子之死可哀也哉

秋七月加咸宜公主實封千戶

唐初公主實封止三百戶太平公主至五千戶率以七丁為限開元以來皇妹千戶皇女半之以三丁為限或言其太薄上曰百姓租賦非我所有戰士出死力賞不過束帛女子何功而享多戶且欲使之知儉嗇耳至是以武惠妃女咸宜公主將下嫁集覽儉嗇始加至千戶於是諸公主皆加至千戶集覽儉嗇愛也老子曰治人事天莫若嗇注嗇貪也治國當愛惜民財不為奢泰嗇通作穡左傳昭元年大國省穡而用之

書法

於是諸公主皆加至千戶獨書咸宜何譏私也咸宜惠妃女也惠妃方嬖咸宜將下嫁特

命也

加之因及諸公主網目獨書咸宜所以誅其終綱目公主書加封二太平咸宜皆譏也

發明

皇女而實封加至千戶非清明盛世之事也故書以譏之

冬閏十月朔日食○十二月冊壽王妃楊氏

妃故蜀州司戶

質實

蜀州注見宋文帝元嘉九年崇慶州

書法

王妃不書書楊氏何明倫也是故將書以武氏為昭儀則太宗之篇先書以武氏為才人

將書以楊太真為貴妃則開元之策先書冊壽王妃楊氏皆所以明倫也

發明

壽王立宗第十八子也冊諸王妃未有書而此書之者志其始也

以契丹涅禮為松漠都督

李過折既殺可突干詔以為契丹王至是為其臣涅禮所殺上赦涅禮因為都督且賜書責之曰卿之蕃法多無義於君長過折卿之王有惡輒殺為此王者不亦難乎卿今為王亦應防慮後事豈得取快目前也

丙子二十四年春正月敕聽逃戶自首

敕天下逃戶盡今年內自首有舊業者還本貫無者俟進止踰限不首搜配諸軍

突騎施寇北庭都護蓋嘉運擊破之○二月頒令長新戒

書法

令長近民官也綱目每致意焉是故齊始用士人為縣令則書陳丙戌年唐舉堪為縣令

則書

太宗貞觀二年立宗即位既引見京畿縣令

開元

年又召縣令試策開元四年又敕以縣令

為舉者賞罰開元九年於是又頒令長新戒可謂知所本矣故綱目悉書之

○皇太子更名瑛

諸皇子皆更之
忠王浚改曰瑛

三月敕禮部侍郎掌貢舉

舊制考功員外郎掌貢舉有進士陵侮之議者以員外郎位卑不能服眾敕委禮部侍郎

夏四月張守珪使討擊使安祿山討奚契丹敗績考異

討當作
擊後同

張守珪使平盧討擊使安祿山討奚契丹敗績守珪
奏請斬之祿山臨刑呼曰大夫欲滅奚契丹奈何殺
祿山乃更執送京師張九齡批曰昔穰苴誅莊賈孫
武斬宮嬪守珪軍令若行祿山不宜免死上惜其才
赦之九齡固爭曰失律喪師不可不誅且其貌有反
相不殺必為後患上曰卿勿以王夷甫識石勒枉害
忠良竟赦之祿山本營州雜胡初名阿瞿山母再適
安氏冒其姓後其部落破散遂與安氏子思順逃來
狡黠善揣人情守珪愛之養以為子又有史寧干者
與祿山同里閑亦以驍勇聞守珪奏為果毅累遷將
軍後入奏事上與語悅之賜名思明胡氏曰禍福雖
有定數若由人事今置毒於前食則死不食則生生
死繫乎食與不食則人事為近矣故古之聖人必修
人事其於天命曰我不敢知使明皇外任賢相內無

大正十三年

於軋華山及產有光照宮廬鳥獸盡鳴望氣者言其祥范陽節度張仁愿搜廬帳欲殺之匿而獲免母以神所命遂字軋華山父死母攜之再適突厥安延偃故更名安祿山犖力角反史宰干姓史名宰干宰蘇骨反里閑閑音汗說文里門質實營州注見晉武帝曰閑行辟辟毗亦反法也

質實

營州注見晉武帝

桓公不殺敬仲敬仲陳胡公滿之後以罪奔齊事桓公為工正其後世專齊政僭稱王是為田齊楚成王不殺重耳重耳晉獻公之次子公信譏欲殺重耳乃奔楚成王納之獻公卒重耳返國立為文公漢高祖不殺劉濞劉濞高祖兄仲之子封吳王或言有反相帝不信景帝時濞率七國謀反戰敗自殺晉武不殺劉淵劉淵匈奴左賢王豹之子為任子在洛陽武帝拜為左部帥懷帝時叛晉自立為漢王苻堅不殺慕容垂慕容垂前燕王皝之次子為時所忌奔秦秦主堅以為將軍後叛秦自稱後燕王

書法

書使何罪使之者也奚契丹書討則使之者何罪使之而不能正其敗績之誅以至隳國

典胎國禍則守珪之罪也故書使凡功罪書使歸之其上也是故歸罪使之者則書張守珪使安祿

山是年歸功使之者則書李光弼使田神功肅宗寶應元年

發明

祿山既有敗軍之罪按法行辟可也而撓法赦之何哉書敗績而不書誅失可知矣又況

他日亂天下乎故書以志之

增宗廟籩豆數加母黨服

上因籍田赦命有司議增宗廟籩豆之數及服紀未通者太常卿韋緇奏請宗廟每坐籩豆十二兵部侍郎張均職方郎中韋述曰聖人知孝子之情深而物類之無限故為之節制同歸于古今取甘肥皆充祭

用既踰于制其何限焉若以今之珍饌平生所習于神無方何必泥古則簋簠可去而盤盂盃按當御矣韶濩可息而塋簋筍笛當奏矣既非正物後嗣何觀君子愛人以禮不求苟合况在宗廟敢忘舊章太子賓客崔沔曰祭祀之興肇於太古茹毛飲血則有毛血之薦未有麴蘖則有玄酒之奠施及後王禮物漸備然以神道致敬不敢廢也國家清廟禮饌用周制也園寢上食遵漢法也職員未祭致遠物也有新必薦順時令也躬稼所收蒐狩所獲薦而後食盡誠敬也若此至矣復何加焉但當中教有司無或簡怠不必加籩豆之數也上固欲增之縮又奏每室加籩豆各六實以新果珍羞從之縮又奏請加外祖父母為大功九月姨舅皆小功五月堂舅堂姨舅母並加至祖免崔沔曰正家之道不可以貳總一定義理歸本宗是以內有齊斬外加總麻尊名所加不過一等此先王不易之道也願守八年明旨一依古禮以為成

法華述曰傳曰禽獸知母而不知父學士大夫則知
尊祖矣然則母黨比于本族不可同賈明矣今若外
祖及舅加服一等堂舅及姨列於服紀廢禮徇情所
務者末苟可加也亦可減也先王之制謂之彝倫奉
以周旋猶恐失墜一紊其叙庸可止乎請依儀禮喪
服為定禮部員外郎楊仲昌曰昔子路有姊之喪而
不除孔子曰先王制禮行道之人皆不忍也子路除
之此則聖人援事抑情之明例也教姨舅既服小功
舅母不得全降宜服總

集覽

於神無方王弼注神則陰陽

麻堂姨舅宜服袒免
不測不可以一方明也文公本義曰至神之妙無有
方所又附錄曰神便是在陰底又忽然在陽在陽底
又忽然在陰泥古泥去聲執不通也當御御進也用
也詔渡注見太宗貞觀二年登筵樂器師延所作言
空國之度所好靡靡之音應劭風俗通曰本名坎侯
吳兢樂府解題云漢武滅南越祠太一后土令樂工

侯暉依琴造轅轅音坎以工人姓侯故名坎侯後語
說以坎為空毛血之薦記禮運篇昔者先王未有火
化食鳥獸之肉飲其血茹其毛後聖有作然後脩火
之利薦其血毛注所以法於太古也玄酒之奠記禮
運篇玄酒以祭注玄酒井中水也皇侃曰太古未有
酒而始之祭但酌水用之尚質也至晚世雖有酒猶
用玄代之示不忘古也清廟禮饌詩清廟篇注清廟
者祭有清明之德者之宮也天德清明文王象焉故
祭之而歌此詩記樂記篇清廟之瑟朱絃而疏越有
遺音者矣注清廟謂作樂歌清廟也又禮運篇玄酒
在室醴醕在戶案醕在堂澄酒在下陳其犧牲備其
羞俎列其琴瑟管磬鐘鼓修其祝嘏以降上神與其
先祖是謂承天之祐注此言今禮饌具所因于古及
其常義也園寢上食注見漢元帝建昭五年寢廟園
下祖免免音問記問喪篇或問曰冠者不肉袒何也
曰冠至尊者不居肉袒之體也故為之免以代之免

者以何為也曰不冠者之所服也禮曰童子不總唯
當室總總者其免也注言身無飾者不敢冠冠為褻
尊服肉袒則著免免狀如冠而廣一寸不冠者猶未
冠也當室謂無父兄而主家者也童子不杖不杖者
不免當室則杖而免總者其免也言免乃有總服也
文公家禮曰齊衰以下至同五世祖者皆袒免袒謂
左袒自前投于要之右免謂裂布或縫絹廣一寸從
頂中向前交於額上又却向後繞於髻如著掠頭也
于路有妙之喪而不除記檀弓篇子路有妙之喪可
以除之矣而弗除孔子曰何弗除也子路曰吾寡兄
弟而弗忍也孔子曰先王制禮行質實見漢明帝永
道之人皆弗忍也子路遂除之
平元年籩豆祭器注見漢文帝六年勉藥酒媒注見
陳宣帝大建七年蒐狩注見梁武帝中大通二年大
功注見漢靈帝熹平
元年小功注同上年

書法

書增加何議也籩豆有常數母黨有常服于是又增加焉非矣增也者不宜增者也加也

者不宜加者也

發明

夫禮有定制不可損亦不可增昔程頤子嘗力辨加禮之一字今籩豆之薦有常數而增之母黨之服有定制而加之皆非禮也苟其合禮則綱目固不以增與加書之矣

秋八月張九齡上千秋金鑑錄

千秋節羣臣皆獻寶鏡九齡以為以鏡自照見形容以人自照見吉凶乃述前世興廢之源為書五卷謂之千秋金鑑錄上之賜書褒美

書法

獻文不書此何以書重格君也故金鑑錄書丹宸歲書非是皆畧之于是帝生日則曷為

不書九齡此錄為人主者朝夕座右可也豈一時賦頌之流哉故不書生日

冬十月帝還西京

先是敕以來年二月還西京會宮中有怪上召宰相議西還裴耀卿張九齡以農收未畢請俟仲冬李林甫潛知上旨獨留言曰長安洛陽陛下東西宮耳往來行幸何更擇時借使妨農但應蠲所過租稅而已臣請宣示有司即日西行從之上過陝州以刺史盧奐有異政題贊于聽事而去

質實

縣名注見周顯王三年

注見漢惠帝五年洛陽

十一月賜朔方節度使牛仙客爵隴西縣公

仙客前在河西能節用度勤職業倉庫充實器械精利上嘉之欲加尚書張九齡曰不可尚書古之納言

唐興以來惟舊相及揚歷中外有德望者乃為之仙客本河湟使典今驟居清要恐羞朝廷上曰然則但加實封可乎對曰封爵所以勸有功也邊將實倉庫脩器械乃常務耳不足為功欲賞其勤賜之金帛可也裂土封之恐非其宜上默然李林甫曰仙客宰相才也何有于尚書九齡書生不達大體上說明日復以仙客實封為言九齡固執如初上怒變色曰卿嫌仙客寒微如卿有何閑閑九齡曰臣嶺海孤賤不如仙客生于中華然臣出入臺閣典司誥命有年矣仙客邊隅小吏目不知書若大任之恐不惟眾望林甫退而言曰苟有才識何必辭學天子用人何有不可乃賜仙客爵食實封三百戶胡氏曰玄宗方相張九齡而肆辯摧折之如此者九齡非有可輕也直緣釋服居位人主意其重利祿而好貴勢可以制指爾是故古之君子不苟就不俯從使去就從違之重在我而不在人在義而不在利庶乎招不來麾不去足以

取信於其上也**集覽**河湟使典河湟二州並涼州地牛仙客

質實

一統志云隴西縣唐初所置本漢隴西郡襄武縣地宋立古渭寨於此元祐中復置隴西縣金

元仍舊至本朝因之為鞏昌府治所仍屬焉河西郡名注見漢安帝元初元年河湟二州名注見武宗會

昌五年閏閏注見宋孝武大明二年

發明

玄宗志在邊功故增重邊賞如仙客止能脩其職業而寵異已至於此故綱目書賜爵而

不書其有功則可以知其失矣况未幾又使之相乎

裴耀卿張九齡罷為左右丞相以李林甫兼中書令牛

仙客同三品

初上欲以李林甫為相問於張九齡九齡對曰宰相繫國安危陛下相林甫臣恐異日為廟社之憂上不從是時上在位歲久漸肆奢欲怠於政事而九齡遇事無細大皆力爭之胡氏曰忠愛其君者必思納諸無過之地而不計一身之安危不忠不愛者惟其身之營使君荒怠昏亂而不恤也九齡可謂愛君矣然以違拂對順從則有恭與不恭之似以恣肆對儆戒則有樂與不樂之殊惟聰明睿智之君則知違拂之為恭而順從之為大不恭也知儆戒之可樂而知恣肆之有大不樂也若明皇稍有持盈守成恐及危溢之心使九齡常立於朝則放心必收禍亂必弭嗚呼九齡可謂古之大臣矣。上之在藩也趙麗妃生太子瑛皇甫德儀生鄂王瑶劉才人生光王琒及即位幸武惠妃生壽王瑁麗妃等愛皆弛太子與瑶琨以母失職有怨望詔駙馬都尉楊洄尚咸宜公主常伺三子過失以告惠妃惠妃泣訴於上上大怒欲皆廢

之八齡曰陛下享國長久子孫蕃昌天下之人方以
為慶今三子皆已成人不聞大過奈何一旦以無根
之語廢之乎且太子天下本不可輕搖昔晉獻公聽
嬖佞之讒殺恭世子三世大亂漢武帝信江充之誣
罪戾太子京城流血晉惠帝用賈后之譖廢愍懷太
子中原塗炭隋文帝納獨孤后之言黜太子勇立煬
帝遂失天下由此觀之不可不慎陛下必欲為此臣
不敢奉詔上不悅林甫退而私謂宦官之貴幸者曰
此三上家事何必問外人上猶豫未決惠妃密使官
奴謂九齡曰有廢必有興公為之援宰相可長處九
齡以此語白上上為之動色故訖九齡罷相太
子得無動范氏曰明皇三子之廢繫于李林甫之一
言其得未廢繫于張九齡之未罷相賢則父子得以
相保相佞則天性滅為仇讎置相可不慎哉。林甫
日夜短九齡于上上浸疎之林甫引蕭異為戶部侍
郎素不學嘗讀伏臘為伏獵中書侍郎嚴挺之言

於九齡曰省中豈容有伏獵侍郎乃出吳刺岐州故
林甫怨挺之上積前事以耀卿九齡阿黨並拜丞相
罷政事而以林甫為中書令牛仙客同三品領節度
如故取挺之為洛州刺史上即位以來所用之相姚
崇尚通宗璟尚法張嘉貞尚吏張說尚文李元紘社
是尚儉韓休張九齡尚直各其所長也九齡既得罪
羣廷之士皆容身保位無復直言林甫欲蔽主擅權
誣謂諸諫官曰今明主在上羣臣將順之不暇烏用
多言諸君不見立仗馬乎食三品料一鳴輒斥去悔
之何及補闕杜暹嘗上書言事黜為下却令自是諫
爭路絕矣仙客既為林甫所引進專給唯諾而已林
甫城府深密人莫窺其際好以甘言陷人而陰中傷
之不露辭色凡為上所厚者始則親結之及位勢
衰退輒以計去之雖老奸巨猾無能逃其術者
覽愛皆弛漢書曰以色事人者色衰而愛弛吳古惠
反立仗馬飛龍虎日以八馬列宮門外號南衙立

集

仗馬食三品料食與飼通唐給九品質實鄂州名注

祿三品四百石也

一作飫三品芻豆

質實

見漢後主

建興七年武昌光州名注見晉武帝泰始二年弋陽

晉獻公

聽驪姬之讒殺恭世子

注見漢高帝十二年

漢武帝信江充罪戾太子事在征和二年晉惠帝用

賈后之譖

廢愍懷太子事在元康九年隋文帝納獨

孤后之言黜太子勇事在開皇二十年伏臘注見漢

宣帝五鳳四年

下邳縣名注見晉懷帝永嘉五年

書法

唐宰相罷書為某官者錄賢也賢之故

詳之非是則與左降者同書罷而已

發明

觀九齡罷相與林甫兼中書令之書文無褒貶然明皇治亂之分已在於此蓋以林甫安

邪九齡正直即人品而知之也况又分注詳載其事於下乎雖然玄宗進退大臣其得失固可見矣

至于官制名稱尤有可得而論者夫以丞相名官蓋輔政大臣也今耀卿九齡既罷政事乃以為左

右丞相然則所謂左右丞相者特無用之冗員爾
名稱不正莫甚於此故綱目因事書之以見唐人
官制之失於宰相為尤甚也

丁丑二十五年春正月置立學博士

每歲依
明經舉

發明

前十七年書明經進士歲限百人今年二月書立明經問義進士試經法是蓋狹其塗

嚴其制以沮止之僅免廢罷云爾至所謂立學者
前未之聞乃特置博士官又令每歲依明經舉則
當時好尚曉然可知
比事觀之義自見矣

二月立明經問義進士試經法

敕曰進士以聲韻為學多昧古今明經以帖誦為功
罕窮旨趣自今明經問大義十條對時務策三道進
士試大集覽帖誦帖括曰帖誦其明經則誦帖括
經十帖謂為機括而誦之以求僥倖大經十帖
唐以左氏傳為大經帖凡三言

河西節度使崔希逸龍震吐蕃破之

初希逸遣使謂吐蕃邊將乞力徐曰兩國通好今為
一家何必置兵妨人耕牧請皆罷之乞力徐曰常侍
忠厚言必不欺然朝廷未必專以邊事相委萬一姦
人交關其間掩吾不備悔之何及希逸固請乃刑白
狗為盟各去守備於是吐蕃西擊勃律勃律來告急
上命吐蕃罷兵吐蕃不奉詔上甚怒會希逸僉人孫
誨入奏事言吐蕃無備請掩擊必大獲上命內給事
趙惠琮與誨往察事宜惠琮至矯詔令希逸龍震之希

逸不得已發兵至青海西與吐蕃戰大破之乞力徐
脫身走惠琮及誨皆受厚賞吐蕃復絕朝貢希逸自
念失信愧集覽刑白狗為盟索隱曰盟之用牲貴賤
恨而卒不同天子用牛馬諸侯犬豕大夫以

下用雞儼人注見德
宗貞元十二年儼從

書法

襲之者趙惠琮矯詔耳曷為以希逸書希逸
始與吐蕃盟誓罷去守備矣將在軍君命有
所不受而惠琮得以矯詔使之以失信於邊境是
誰之咎歟綱目以希逸主兵蔽其罪於希逸也

夏四月殺監察御史周子諒貶張九齡為荊州長史

子諒彈牛仙客非宰相才上怒甚命擗於殿庭絕而
復蘇仍杖之朝堂流瀼州至藍田而死李林甫言子
諒九齡所薦也乃貶九齡荊州長史范氏曰古之殺
諫臣者必亡其國明皇親為之其大亂之兆乎開元

之初誅者受賞及其末也而殺之非獨此也始抑外戚焚珠玉詆神仙禁言祥瑞其終也惑女寵極奢侈求長生悅襪祥一人之身而相反如**集覽**濱州濱乃此由有所陷溺其心故也可不成哉

表云廣南化外地在蠻林西南交趾東北唐太宗置濱州以達交趾襪祥注見隋文帝開皇十四年

實藍田縣名注見周赧王四十九年荆

書法

杖流道卒耳其書殺何誅心也子諒奏彈仙客怒之可也而操之幾絕及其蘇也復杖而

後流之則帝之欲殺明矣綱目之法苟有誅意於其臣一以殺書之

發明

自古非大無道之君未有輕殺諫臣者玄宗何為乃爾蓋其驕矜已甚其視諫臣猶雀鼠

之微是以輕於殺之又况仙客之相出已私意深欲掩蓋覆匿子諒忽觸其實故怒不可解必寘之

死地而後已書殺監察御史周子諒此奔竄失國兩京覆沒之兆也然其貽後王鑒顧不明哉

廢太子瑛鄂王瑤光王琒而殺之

人主信任讒佞不能自保其子如漢武帝巫蠱之篇每不忍觀况一日役三子乎奸邪之害人家國亦惜毒之至哉

楊洄又譖太子鄂王光王潜構異謀上召宰相謀之李林甫對曰此陛下家事非臣等所宜預上意乃決使宦官宣制於宮中廢為庶人尋賜死瑤琒皆好學有才識死不以罪人皆惜之

書法

書廢太子廢無罪也而殺之帝之忍亦甚矣殺一無罪不可也况三子乎是禍也林甫成之

發明

隋文用楊素而廢太子勇然猶未至殺之也立宗用林甫而黜太子瑛又併瑤琒殺之然

皆無罪可書其惡甚矣天理既滅何以國乎

五月流夷州刺史楊濬於古州

濬坐贓當死上命杖之流古州左丞相裴耀卿上疏曰決杖贖死息則甚優解體受笞事頗為辱止可施之徒隸不當及質實古州注見中於士人上從之宗景龍二年

募丁壯長充邊軍

敕以方隅底定令中書門下量軍鎮閒劇利害審計兵防定額召募丁壯長充邊軍增給田宅務加優恤

詔選宗子補官○秋七月大理寺奏有鵲來巢賜李林

甫爵晉國公牛仙客幽國公

大理少卿徐嶠奏今歲天下斷死刑五十八獄院由來殺氣太盛鳥鵲不栖今有鵲巢其樹於是百官以

刑措表賀上歸功宰相以刑措受賞譏諛得志天理滅矣能殺三子而宰相以刑措受賞譏諛得志天理滅矣能無亂乎

質實

晉州名注見漢獻帝建安七年河東幽州名注見漢桓帝延熹五年

書法

賜爵不言故此其言故何譏也有鵲來巢而二相受爵無謂甚矣

行和糴法停江淮運

先是西北多宿重兵地租營田皆不能贖始用和糴之法有彭果者獻策請推之關中救以穀賤傷農命增時價什二三和糴東西畿粟各數百萬斛停今年江淮運租自是關中蓄積羨溢車駕不復行東都矣

質實

東都注見秦莊襄王元年三川

書法

書和糴始此然則曷為不書初先是西北行之久矣至是始推之東西畿也終綱目書和

耀三
是年德宗
元三年八年

冬十月開府儀同三司廣平文貞公宋璟卒考異此謬

考證

當去文貞二字
分註謚文貞

質實

廣平縣名注見漢
光武建武二十年

書法

書官書爵書謚自狄仁傑以來於是再見終
唐之世五人而已矣狄仁傑宋璟李晟馬璘

裴度若郭子儀號官爵謚
具則又非五人所可及也

發明

宋璟在玄宗朝第一流人物也故書官書爵
書謚以表之此亦可以觀綱目褒貶之筆矣

○十二月惠妃武氏薨追謚貞順皇后考異據大厯十

獨孤氏卒則此
薨字當作卒

御批資治通鑑綱目

三十一

妃攸止之女也初上欲以妃為后或上言武氏乃不戴天之讎豈可以為國母且妃既有子若登宸極太子必危上乃止至是薨贈貞順皇后

書法

妃妾自宋殷氏始書卒未有書薨者也此其書薨何謚為后也自是而皇后為贈官矣終

綱目卒妃妾四宋孝武殷氏唐玄宗武氏肅宗韋氏代宗獨孤氏惟此獨書薨謚之識也

復以明堂為乾元殿

命將作大匠康譽素往東都毀明堂譽素言毀之勞人請去上層仍舊為乾元殿從之

集覽

去

乾反籀文愆字

戊寅二十六年春正月以牛仙客為侍中以王璵為祠祭

使

上頗好鬼神以太常博士王與為祠祭使祈禱或焚紙錢類巫覡習禮者羞之胡氏曰古者祭必用幣所以交神猶人之相見有幣以為禮非利之也後世淫祀既衆于是廢幣帛而用楮泉是以賄交于神也使神而果神也夫豈可賄使其不神而可賄也又安用事雖然王與行之而世以為羞則當時猶未盡用也今舉四海用之而未**集覽**興羊諸反紙錢自漢以來有革之者不亦悲乎**集覽**喪葬有瘞錢後世俚俗稍以紙寓錢為鬼事明皇用之楮泉楮丑呂反穀木質名可為紙索隱曰錢本名泉言貨之流行如泉也

實

巫覡注見漢高祖乾祐二年

書法

後世用紙錢代帛始此

今天下州縣里皆置學

書法

武德嘗置州縣鄉學矣不皆置也於是
令皆置學則無無學之里矣特書嘉之

○夏六月立忠王璿為太子改名亨考異

太上漏
皇字

李林甫數勸上立壽王瑁上以忠王璿年長孝謹好
學意欲立之猶豫不決常忽忽不樂高力士請其故
上曰汝揣我何意力士曰得非以郎君未定邪上曰
然對曰但推長而立誰復敢爭上曰汝言是也由是
遂定璿將受冊命儀注有中嚴外辦及絳紗袍璿嫌
與至尊同稱表請易之於是停中嚴改辦曰備易絳
紗袍為朱明服故事太子乘輅至殿門至是璿不就
輅步而入尋更名紹又更名亨孫甫曰太子瑛之廢
雖由武妃林甫亦張說之過也初忠王出見百官說
有貌類太宗之言蓋昭成方娠時說侍讀東官知其

異事謂王當受天命故因事言之以廣於衆耳說事
明皇情義至厚言從計行於忠王豈無密議也使明
皇之意已移嬖寵之言
集覽儀注儀禮
質實輅大車
易入說無以逃其過矣
者以木為之至商而有
輅之名蓋始異具制也

突騎施殺其可汗蘇祿考異

殺當
作弑

初蘇祿廉儉攻戰所得悉與諸部分之由是衆樂為
用既尚唐公主突厥吐蕃亦各以女妻之用度浸廣
遂不復分由是諸部離心酋長莫賀達干夜襲蘇祿
殺之都摩度立蘇祿之子骨啜為吐火仙可汗以収
其餘
集覽莫賀達干莫賀酋長之名也按突厥大臣
衆之官凡二十有八等皆世其官而無員限
達干其
質實酋長注見漢帝
一也
立更始二年

秋九月朔日食○貶王昱為高要尉質實

一統志云高要縣名漢初

所置屬蒼梧郡劉宋屬南海郡梁於此置高要郡隋平陳廢郡以縣置端州唐以博林縣省入宋又省平興縣入焉金元仍舊至本朝因之為肇慶府治所仍屬焉

初吐蕃陷安戎城而據之其地險要唐屢攻之不克劍南節度使王昱築兩城於其側運資糧以逼之吐蕃大發兵救安戎城昱眾大敗
集覽
劍南道名注見脫身走資仗皆沒由是貶死
晉武帝泰始八

年並州

冊南詔為雲南王

南詔之先本哀牢夷地居姚州西東南接交趾西北接吐蕃蠻語謂王曰詔先有六詔莫能相一歷代因

之以分其勢蒙舍最在南故謂之南詔至皮邏閣浸疆大而五詔微弱乃賂王昱求合六詔為一朝廷許之賜名歸義於是兵威脇服羣蠻

集覽

南詔南蠻國本烏蠻

遂破吐蕃徙居大和城卒為邊患
別種也在永昌東五代時號曰長和五代史四夷附錄曰南詔所居曰苴咩城哀牢注見漢明帝永平十

三年六詔一曰蒙窩詔二曰越析詔三曰浪穹詔四曰遼賧詔五曰施浪詔六曰蒙舍詔蒙舍最在南故

謂之南詔大和城
夷語山陂陀曰和

質實

一統志云南詔西南夷之國名其王本烏蠻之別種夷語

王為詔其渠帥有六詔唯蒙舍詔在諸部南故稱南詔姚州禹貢梁州之界漢武帝開西南夷此為益州郡舊唐葉榆縣境東漢分屬永昌郡蜀漢又分葉榆屬雲南郡晉諸郡皆屬寧州李特據蜀分置漢州宋齊梁陳仍置雲南永昌郡屬寧州唐麟德初於昆明之柢棟川置姚州都督府治葉榆洱河蠻開元末蒙

舍詔皮羅閣併蒙舊詔越析詔浪穹詔遼睦詔浪施
詔五詔合為一號南詔治太和城至閣羅鳳號大蒙
國又至異牟尋再徙羊苴咩城即今府治改號大禮
國其後鄭買賜趙善政楊干貞互相篡奪至五代晉
時段思平得之更號大理國元憲宗時收附立上下
二萬戶府至元間改置大理路至本朝改路為府隸
雲南道交趾郡名注見宣宗大中二年吐蕃西羌種
名注見太宗貞觀八年大和城注見天寶十三載

書法

自是浸彊大為邊患至喪師二十萬則王
昱之罪也故謹志之南詔見綱目始此

冬十月作行宮於兩都間

凡十
餘間

書法

書識也終綱目書作行宮二隋文帝
間皇十八年是年皆奢欲之主也

置龍武軍

分羽林置龍武軍
以萬騎營隸焉

已
外 二十七年夏六月貶張守珪為括州刺史

幽州將趙堪白真陀羅橋節度使張守珪之命使平
廬軍使烏知義邀叛奚餘黨知義不從白真陀羅橋
稱制指以炮之知義出師與虜遇先勝後敗守珪隱
其敗狀以克獲聞事頗泄上令內謁者監牛仙童往
察之守珪重賂仙童歸罪于白真陀羅通令縊死
衆宦官疾仙童發其事上怒杖殺之守珪坐貶

集

覽

叛奚奚國
之叛者

正誤

趙堪白真陀羅集覽無註口今按
新唐書張守珪傳初書趙堪白真

陀羅下文兩見皆止書真陀羅當是二
人趙與白為氏而堪與真陀羅具名也
質實括州注

顯慶元年平盧軍注見
漢桓帝永康元年青州

秋八月磧西節度使蓋嘉運擊突騎施擒其可汗骨吸

突騎施吐火仙可汗與莫賀達干相攻莫賀達干遣
使告磧西節度使蓋嘉運嘉運引兵擊之擒吐火仙
取交河公主悉收散髮之民數
萬以與拔汗那王威震西陲

質實

磧西注見太宗貞觀四年交河
縣名注見齊明帝建武四年

集覽

拔汗那注見中
宗景龍二年

追諡孔子為文宣王

先是祀先聖先師周公南向孔子東向坐制自今孔
子南向坐被王者之服釋奠用宮懸贈弟子為公侯
伯

集覽

釋奠注見梁武帝天監十七年宮懸
注見漢獻帝建安十八年軒縣之樂

發明

追諡先聖以王爵正南向之坐而被王者之服其禮正矣然亦有說焉是時既尊太公又

尊老君盛儀文舉至於吾先聖則不可以闕然也是以禮典如此書之於冊識者可以觀矣○按自漢平帝追諡孔子為褒成侯宣尼公後世因謂孔子為宣父又謂之為宣尼至是又加文與宣為諡然文之為言諡法有所謂經天緯地者矣孔子亦曰文王既沒文不在茲乎以是諡之固亦幾矣然亦有所未盡焉若夫宣之為宣諡法之美者不過聖善周聞而已豈足以盡吾聖人之大德哉況唐未加聖人此諡之前北齊高洋李元忠南齊蕭子良隋長孫賢固有此諡矣天生聖人為萬世道德之宗主稱天以誅之猶恐未足以稱其德彼區區荒誕之君汙下之見何足以為吾聖人之輕重當其時行之可也後世乃遵之百世而不改何耶

冬十二月更定禘祫之制

初睿宗喪既除祫于太廟自是三年一祫五年一禘是歲夏既禘冬又當祫太常以為祭數則瀆請停祫祭自是通計五年一祫一禘從之

庚辰二十八年春正月荊州長史張九齡卒考證當分註

上雖以九齡忤旨逐之然愛重其人每宰相薦士輒問曰風度得如九齡不乎集覽風度宋凝遠三宗注風采度量凝固遠大也

書法

書惜賢也終綱目長史書年三吳張絃後趙張賓唐張九齡尤深惜之

三月朔日食○以阿史那昕為十姓可汗○夏六月以

蓋嘉運為河西隴右節度使

嘉運未獻捷上嘉其功故有是命嘉運恃恩流連不時發裴耀卿曰嘉運誠勇烈有餘然言氣矜誇恐難成事且將軍受命鑿山門而出今乃酣宴朝夕殆非憂國愛人之心乞速遣進塗嚴加訓勵上乃趣嘉運行已而**集覽**山門淮南子兵畧訓曰君命將臣辭而竟無功行乃爪鬣設明衣鑿山門而出杜甫秋日荆南述懷詩山門較少推

冬十月吐蕃寇安戎城發關中兵救之

初劍南節度使張宥文吏不習軍旅悉以軍政委團練副使章仇兼瓊兼瓊入奏事咸言安戎城可取上悅之以宥為光祿卿兼瓊為節度使兼瓊潛與安戎城中吐蕃結謀開門納降兵盡殺吐蕃將卒使監察

御史許遠將兵守之至是吐蕃寇安戎發闕中兵救之吐蕃引去

集覽

章仇注見隋文帝仁壽四

年質實

軍旅注見梁武帝中大通二年許遠新城人敬宗之孫

書法

書發兵可矣書闕中兵何譏也於是內備始虛而天下之勢偏重矣故特筆書之

十一月立莫賀達干為突騎施可汗

莫賀達干聞立阿史那昕怒曰首誅蘇祿我之謀也今立史昕何以賞我遂帥諸部叛上乃立莫賀達干為可汗使統突騎施之眾命嘉運招諭之莫賀達干竟擊昕殺之

是歲戶口之數

戶八百四十一萬二千八百口四千八百一十四萬三千六百西京東都米斛直錢不滿三百絹匹亦如

之海內富安行者
萬里不持寸兵

辛巳
二十九年春正月立賑饑法

制曰承前饑饉皆待奏報然後開倉道路悠遠
何救懸絕自今委州縣及採訪使給訖奏聞
質實

饑饉注見隋煬
帝大業十二年

書法

書美之也自是以至天寶末年帝無可書之
政矣其所書者非惑鬼神則務聚斂也寵邊

將也其所誅賞非為林甫則國忠也貴妃也書得
玄元皇帝像羣臣請加尊號享玄元皇帝于新廟

以田同秀為朝散大夫追尊周上御大夫為先天
太皇尊諱為德明皇帝始祀九宮貴神帝聞空中

神語改會昌諱為昭應加聖祖及諸帝后號諱得
妙寶真符復加聖祖及諸帝后號皆惑兒神也書

以韋堅為江莊租庸轉運使廣運潭成加韋堅左散騎常侍以楊慎矜為御史中丞以楊慎矜為租庸轉運使以王錫為京畿採訪使以楊到判度支事帥羣臣觀左藏賜楊到金紫皆務聚歛也書以安祿山為營州都督以安祿山為平盧節度使安祿山入朝以安祿山兼范陽節度使安祿山討奚契丹敗之安祿山奏立李靖李勣廟以安祿山兼御史大夫賜安祿山鐵券賜安祿山雷東平郡王以安祿山兼河北採訪處置使安祿山入朝為安祿山起第于觀仁坊以安祿山兼河東節度使安祿山擊契丹以安思順為朔方節度使哥舒翰安祿山安思順入朝要祿山入朝加安祿山左僕射以安祿山為開府使安祿山歸范陽要祿山請以舊新代漢府從之安祿山表獻馬遣中使諭止之十一月安祿山反自開元二十九年至于肅反不書安祿山者天寶五載八載與十二載三年兩皆

寵遣將也書以盧鉤嚴抵之為員外詹事以楊慎
矜為御史中丞敗裴寬為睢陽太守以韋堅為刑
部尚書楊慎矜為租庸轉運使貶韋堅為縉雲太
守皇甫惟明為播州太守李適之罷以陳希烈同
平章事殺驍騎兵曹柳勣贊善大夫杜有隣故北
海太守李邕及皇甫惟明韋堅等王琚李適之自
殺殺戶部侍郎楊慎矜以天下歲貢賜李林甫殺
咸寧太守趙奉璋皆為林甫也書流宋渾於潮陽
制追復張易之官爵賜楊釗名國忠免駙馬程昌
裔官以楊國忠領劍南節度使以庫錢易惡錢以
楊國忠為御史大夫京畿採訪使上復幸左藏以
楊國忠為右相兼文部尚書以吉溫為御史中丞
楊國忠注選人於都堂追削李林甫官爵復以魏
周隋後為三恪以楊國忠為司空陳希烈罷以韋
見素同平章事貶韋陟為柱嶺尉吉溫為澧州長
史皆為國忠也書冊壽王妃韋氏以楊太真為貴

妃加嶺南經略使張九章三品以王翼為戶部侍郎以楊釗判度支事以貴妃姊為國夫人皆為貴妃也此外亦無幾事耳夫君心惑溺於上奸邪專恣于下欲不亂可得乎綱目詳書之所以為萬世戒也

夏閏四月得玄元皇帝像

上夢玄元皇帝云吾像在京城西南百餘里遣使求得之於盤屋迎置興慶宮范氏曰人之有夢蓋其心之動也昔高宗恭默思道誠心求賢故夢帝賚之良弼明皇怠於庶政志求神仙惑方士之言自以老于其祖也感而見於夢亦具誠之形也自是迂怪日間諛諛成俗姦宄得志而天下之理亂矣人君心術可不慎也

集覽 盤屋注見隋煬
質實 高宗恭默思道誠心求賢故夢帝賚之良

哉

弼商書說命上篇恭默
思道夢帝資予良弼

書法

於是帝以夢求得之也曷為夢之信感之深
發而為此也然則其得之何旨意所在不得

不可矣書曰
得宜得也

發明

國將興聽于人將亡聽於神自古清明之世
未聞有神異之事惟衰亂之世則有之亦猶

大明麗晝則百怪咸伏暮夜晦冥則羣慝交作耳
玄宗誕謾荒忽既夢老君之像遣使求之正使無
有則使者亦必附會求上此固無可疑者綱目書
得而不言其所以得譏之明矣妖由人興未幾遂
有田同秀寶符之事紛紛見
於史冊夫豈無自而然哉

吐蕃入寇

吐蕃四十萬人寇至安仁軍騎
將臧希液帥衆五千擊破之

秋七月突厥殺其登利可汗考異

殺當作殺

初登利從叔二人分典兵馬號左右殺登利惡其專
誘右殺斬之自將其衆左殺判闕特勒攻登利殺之
骨咄葉護自立為可汗上以突厥內亂命羽林
將軍孫老奴招諭回紇葛邏祿拔悉密等部落
判闕特勒左殺名骨咄葉護吐當沒反
骨咄名也葉護注見陳後主禎明元年

洛水溢質實

洛水注見漢高后三年

溺死者千餘人

八月以安祿山為營州都督

集覽

祿山傾巧善事人人多譽之上左右至平盧者祿山皆厚賂之由是上益以為賢又賂採訪使張利貞利貞盛稱之上乃以為營州都督充平盧軍使胡氏曰以利害者小人之事也夫惟君子不可以貨取故人主必昭儉德以照臨百官清心寡慾不殖貨利而用君子立乎朝廷則寵賂之門自塞矣明皇自入宇文融之說殫天下以自奉故使祿山專以貨寶交結左右養姦慝所以治國者不以利為利為利為具生患之若此也孟子對梁王以何必曰利為集覽傾巧傾側其末流至於弑君篡國而猶不止也

質實

營州注見晉武帝
太康二年昌黎

書法

自是祿山每事
必書詳亂本也

冬十一月太尉寧王憲薨追諡曰讓皇帝考異

憲當
作卒

憲堯上哀惋特甚曰天下兄之天下也固讓於我為
唐太伯常名不足以處之乃謚曰讓皇帝其子汝陽
王璵表述先集覽為唐太伯周太王長子曰太伯少
志周讓不許曰季歷生子名昌昌有聖瑞太伯
知太王意欲立季歷以傳昌乃亡如荊蠻以讓
季歷今寧王以讓立宗此可謂唐之太伯也質實
汝陽縣名注見漢
後主延熙十八年

書法

以皇帝贈謚自太子弘始矣於是三見
書官書爵子憲也綱目謚為帝書堯

十二月吐蕃陷石堡城

壬午天寶元年春正月以安祿山為平盧節度使

是時天下聲教所被之州三百三十一
百置十節度經畧使以備邊安西節度撫寧西域治

龜茲城北庭節度防制突騎施堅昆治北庭都護府
河西節度斷隔吐蕃突厥治涼州朔方節度捍禦突
厥治靈州河東節度與朔方犄角以禦突厥治太原
府范陽節度臨制奚契丹治幽州平盧節度鎮撫室
韋靺鞨治營州隴右節度備禦吐蕃治鄯州劔南節
度西抗吐蕃南撫蠻獠治益州嶺南五府經畧綏靜
夷獠治廣州此外又有長樂經畧福州領之東萊收
捉萊州領之東牟守捉登州領之凡鎮兵四十九萬
人馬八萬餘匹開元之前每歲供邊兵衣糧費不過
二百萬天寶之後益兵浸多每歲用衣千二十萬匹
糧百九十萬斛公私勞費民始困苦矣范氏曰海內
之地非不廣也財非不多也人君不能清靜恭儉以
待太平於其安也而勞之於其富也而刻之是以天
下之禍常基於安富之時亂已成而猶不悟也豈非
好大多欲任失
其人之咎歟

集覽

覽聲教書禹貢朔南暨聲教蔡氏
傳曰聲謂風聲教謂教化林氏

曰振舉於此而達者聞焉故謂之聲軌範於此而遠者效焉故謂之教羈縻之州自太宗平突厥西北諸蕃及蠻夷稍稍內屬即其部落列置州縣大者為都督府其貢賦稍多不上戶部號曰羈縻凡府州八百五十六龜茲城即漢龜茲縣也注見漢桓帝永壽元年堅昆注見漢宣帝黃龍元年室韋注見隋恭帝義寧二年長樂郡名今福州長樂縣是也州南六里有長樂山閩中記云地名長樂居者安之東萊收捉收子強室是守字與下東牟守捉同按守捉即團結營也唐前兵之戍邊者大曰軍小曰守捉曰城曰鎮而後之

質實

靈州注見太宗貞觀二十年河東郡名注見漢獻帝建安七年犄角注見漢昭

烈章武二年范陽郡名注見漢帝立更始二年涿郡益州注見晉武帝泰始八年長樂郡名注見漢光武建武三年閩中郡福州注同上文東萊郡名注見漢安帝永初二年萊州注同上文東牟郡名注見開元

二十年
登州

穿三門運渠質實

三門山名注見漢成
帝綏和二年砥柱

○羣臣請加尊

號

陳王府參軍田同秀言玄元皇帝告以藏靈符在尹
喜故宅上遣使求得之羣臣上表以寶符潛應年號
請於尊號加**集覽**立元皇帝高宗乾封元年至亳州
天寶字從之

靈符在尹喜故宅崔浩曰尹喜昔為散關令案散關
在鳳翔府寶雞縣西列仙傳曰關令尹喜者周大夫
也善學星宿服精華隱德行仁時人莫知老子西遊
喜先見其氣知真人當過候物色而迹之果得老子
老子亦知其奇為著書言道德之意五千餘言喜亦
著書九篇名關尹子與老子服巨勝實俱之流沙之

西莫知其所終今田同秀故託言老子藏靈質實陳
符在尹喜故宅耳按列子注尹喜字公度

質實

陳州

名注見周報王三十六年尹喜天水人周康王時為
函谷關令東見紫氣乃占風知有神人過老子果至
授喜鍊氣吐納之術三宮正一之法復求著書於是
為道德經以授之後仙成復與老子相會於蜀賜號
文始
先生

二月享立元皇帝于新廟越三日享太廟越二日合祀

天地於南郊質實

南郊注見漢後
主建興十五年

書法

合祀非古也自是終唐世為永制矣傳曰皇
皇后帝皇祖后稷君子曰禮謂其祖親而先

帝也唐於是重失之
書曰越二日譏也

改官名

侍中中書令為左右丞相改為僕射
東北都皆為京州為郡刺史為太守

以田同秀為朝散大夫

時人皆疑竇符同秀所為也間一歲清河人崔以清
復言見玄元皇帝云藏符在武城紫微山敕使往掘
亦得之東京留守王倓知其詐按問果首服奏之上
亦不深罪也范氏曰明皇崇老喜仙故其大臣諛小
臣欺蓋度其可為而為之也不惟信而惑之又賞以
勸之則小人孰不欲為姦罔哉昔漢文一為新垣平
所詐而終身不復言神**集覽**為新垣平所詐漢文帝
仙之事可謂能補過也時趙人新垣平詐令人
獻玉**質實**清河縣名注見漢帝立更始二年
杯武城縣名注見秦王政十四年

三月以韋堅為江淮租庸轉運使

初字文融既敗言利者稍息及楊慎矜得幸於是韋堅王鉷之徒競以利進百司有事權者稍稍別置使以領之舊官充位而已堅太子之妃兄也督江淮租運歲增巨萬上以為能故擢任之王鉷亦以善治租賦為戶部集覽事權史員外郎作爭權

以盧絢嚴挺之為員外詹事

李林甫為相凡才望功業出已右者必百計去之尤忌文學之士或陽與之善而陰陷之世謂林甫口有蜜腹有劍上嘗陳樂於勤政樓下垂簾觀之兵部侍郎盧絢謂上已起垂鞭按轡橫過樓下絢風標清粹上目送之林甫知之乃召絢子弟謂曰交廣藉才上欲以尊君為之若憚遠行則當左遷姑以賓詹分務

東洛何如絢懼請之乃除華州刺史未幾誣其有疾除員外詹事上又嘗問林甫嚴挺之可用今安在挺之時為絳州刺史林甫退召挺之弟諭以上意甚厚孟稱疾求還可以見上挺之從之林甫以其奏白上云挺之老疾宜且授以散秩以便醫

集覽

交廣二州

在廣東春秋百粵之地秦置南海郡漢武既定粵地置交州孫權以步騭為交州刺史遷州於番禺孫休以交州土壤太遠徙交州理龍編分交州置廣州理番禺隋改番州唐置廣州籍慈夜反謂交廣遼遠須藉有才之人賓詹謂質實

勤政樓注見開元二年絳州注見宋文帝元嘉二十

三年東

雍州

書法

員外詹事何以書病立宗也二臣帝所眷者林甫以計去之而帝殊不之恠甚矣其蔽也

故特書
病之

發明

也。古人開四門明四目達四聰非好為是多事

提之近在目前無疾而謂之有疾由林甫蔽其聰
明也故夫員外唐事不必書而特書之者所以著
林甫之欺為後世偏聽生姦獨任
成亂之戒爾居人上者可不鑒諸

秋七月朔日食○牛仙客卒以李適之為左相○突厥

阿布思來降

初突厥拔悉密同紇葛邏祿三部共攻骨咄葉護殺
之立拔悉密為頡跌可汗回紇葛邏祿自為左右葉
護突厥餘眾共立判闕特勤之子為烏蘇可汗朔方
節度使王忠嗣說拔悉密等使攻之烏蘇遁去突厥

西葉護阿不思等帥餘衆千
餘帳相次來降突厥遂微
質實王忠嗣
鄭縣人

癸未
二年春正月安祿山入朝

安祿山入朝上寵待甚厚謂見無時祿山奏言去秋
營州蟲食苗臣焚香祝天云臣若操心不正事君不
忠願使蟲食臣心若不負神祇願使蟲散即有羣鳥
從北來食蟲立盡請宣付史館從之李林甫領吏部
尚書日在政府選事悉委侍郎宋遙苗晉卿時選人
集者以萬計遙晉卿以御史中丞張倚得幸於上擢
其子爽為首祿山言於上上召入面試之爽手持試
紙終日不成一字時人謂之曳白於是三人皆坐貶
質實曳白曳音裔引也一字不能書惟對白
紙直視故號曳白又云即拖白是也

三月追尊周上御大夫為先天太皇臯繇為德明皇帝

范氏曰老子之父書傳無見焉取方士附會之說而追尊加諡不亦誣乎臯陶作士而作史者以為大理既不經矣又以為李氏所出而尊之尤非其族類也唐之先祖出於隴西狄道非有世次可考而必托之上古以耀于民非禮之質實臯陶作士臯陶舜時賢禮適所以為後世笑也臣詳見虞書隴西郡名注見秦王政三年狄道縣名注見漢高后六年

廣運潭成加韋堅左散騎常侍

堅引漉水抵苑東望春樓下為潭以聚江淮運船役夫匠通漕渠發人丘壘自江淮至京城民間愁怨二年前成上幸樓觀之堅以新船數百艘扁榜郡名各陳珍寶仍進輕貨及百牙盤食上置宴竟日而罷加堅常侍吏卒褒賞有差賜其潭名廣運

集覽

漉水漉或作產顏師古曰漉水出京兆萬年縣藍田

谷入霸括地志云澧水即荆海猶松之下流也扁榜
扁補典反署也榜標也百牙盤食以牙盤進食至百
數也時貴戚競以進食相尚有進水陸珍饈
至數千盤者凡一盤可費中人十家之產
志云澧水在西安府城東一十五里
源出藍田縣合金谷水北流入霸水

書法

凡功役書成久辭也於是鑿苑東引澧水二
年而成則其用民力也多矣故書成然則其

不書始鑿何畧之也一潭也而書成則久可知矣
終綱目渠潭書成三詳漢明帝永平十三年皆久
也

甲申 三載春正月改年曰載○二月海賊寇台州遣河南
尹裴敦復討平之○以安祿山兼范陽節度使

河北黠戛使希建侯稱祿山公直李林甫裴寬亦順旨稱譽其美由是祿山之寵益固

夏五月河西軍擊突騎施斬莫賀達干更立骨咄祿為可汗○秋突厥亂冊回紇骨力裴羅為懷仁可汗

拔悉密攻斬突厥烏蘇可汗國人立其弟為白眉可汗於是突厥大亂敕王忠嗣出兵乘之破其左廂十部會回紇葛邏祿共攻拔悉密誦跌伊施可汗殺之回紇骨力裴羅自立為骨咄祿毗伽闕可汗遣使言狀上冊拜裴羅為懷仁可汗於是懷仁南據突厥故地舊統藥邏葛等九姓又併拔悉密葛邏祿凡十部各置都督每戰則以二客部為先

九月以楊慎矜為御史中丞

初上以慎矜知御史中丞事時李林甫專權公卿之進有不出其門者必以罪去之慎矜固辭不受至是林甫以慎矜屈附於已復以為中丞

冬十二月貶裴寬為睢陽太守

戶部尚書裴寬素為上所重李林甫忌之刑部尚書裴敦復擊台明海賊還受請託廣序軍功寬微奏其事林甫以告敦復敦復言寬亦嘗以親故為屬林甫曰君速奏之勿後于人敦復乃賂女官楊太真之姊使告之裴寬質實睢陽郡名注見漢後主延熙十八年由是坐貶

元二年臨海明注
見僖宗乾符四年

始祀九宮貴神

初術士蘇嘉慶言遼甲術有九宮貴神典司水旱請立壇於東郊祀以四孟月從之禮在太清宮太廟上所用牲玉皆侔天地

書法

始者何前乎此無有也帝之惑于神怪亦甚矣故書始譏之是故漢武親祀竈則書始元

光二年立宗祀九宮貴神則書始是年是後肅宗祀九宮不書上元元年非創也貶其始而已矣終

綱目淫祀書始二而已

初令百姓十八為中二十三成丁

乙酉 四載春正月帝聞空中神語

上謂宰相曰朕於宮中為壇為百姓祈福自草黃素置案上俄飛升天聞空中語云聖壽延長又煉藥成

置壇上及夜欲收又聞空中語云藥未湏收此自守護羣臣表賀范氏曰明皇假于怪神以罔天下言之不作而居之不疑何以使其臣下不為欺乎是率天下而欺已也

書法

書帝問何譏自欺也求神仙自秦皇漢武始然秦漢之君為人所欺耳如帝此言乃自欺

也繼是而有妙寶真符之得矣自欺者人亦欺之

發明

凡鬼神奇怪之事稍有識者恥言之惟巫覡託此以誑愚俗為罔利之資耳玄宗既夢得

像又以寶符而上尊號又尊先天太皇又祀九宮貴神至是又聞空中神語可謂慙恍之極精爽既失不亂得乎直筆書之可愧甚矣

回紇懷仁可汗死

回紇懷仁可汗擊突厥白眉可汗殺之傳首京師於是北邊晏然回紇斥地愈廣盡有突厥故地懷仁卒子磨延吸立號葛勒可汗

二月以朔方節度使王忠嗣兼河東節度使

忠嗣少勇敢及鎮方面專以持重安邊為務常曰太平之將但當撫循訓練士卒不可疲中國之力以邀功名軍中日夜思戰忠嗣多遣間諜見可勝然後興師故出必有功既兼兩道節制自朔方至雲中邊陲數千里要害之地悉置城堡斥地各數百質實雲中里邊人以為自張仁亶之後將帥皆不及

注見秦王政三年鴈門

秋七月冊壽王妃韋氏八月以楊太真為貴妃

初武惠妃薨後宮無當意者或言壽王妃楊氏之美
上見而悅之乃令妃自以其意乞為女官號太真更
為壽王娶即將韋昭訓女潛入太真宮中不暮歲寵
遇如惠妃宮中號曰娘子凡儀體皆如皇后至是冊
為貴妃贈其父立琰兵部尚書以從兄銛為殿中少
監錡為駙馬都尉三姊皆賜第京師寵貴赫然楊釗
者貴妃之從祖兄也不學無行為宗黨所鄙從軍於
蜀貧不能歸新政富民鮮于仲通常資給之仲通頗
讀書有才智章仇兼瓊引為採訪支使委以心腹嘗
從容謂仲通曰今吾獨上所厚苟無內援李林甫必
見危聞楊妃新得幸子能為我結之吾無患矣仲通
言釗本末釗儀觀甚偉言辭敏結兼瓊見之大悅即
辟為推官使獻春綵於京師贖蜀貨直萬緡釗大喜
過望至長安見諸妹分以遺之曰此章仇公所贈也
於是諸楊日夜譽兼瓊且言釗善搏菰引之見上得
出入禁中授金吾兵曹參軍范氏曰明皇殺三子納

子婦用李林甫為相使族滅無罪

集覽

新政今開州新政縣在利

州東路儀觀儀容神觀也觀古玩反博質實楊太真

補注見晉明帝太寧三年補博之具

質實

按許子

真記太真容州普寧縣雲陵里人父維母葉氏生妃

有異質都部署楊康求為女時楊玄琰為長史又從

康求為女携歸京後進入壽王宮玄宗召為貴妃京

師注見周顯王二十五年一統志云新政唐之縣名

屬閬州本漢之充國縣地元併入南部

縣故址在保寧府城東南一百三十里

書法

王妃不書前書冊壽王妃楊氏矣此其再書

韋氏何著韋之繼楊也然則楊太真之為壽

王妃明矣武氏為昭儀書太宗才人譏讀倫也此

其為讀一也曷為不書壽王妃書太真書太真所

以志作偽之勞拙也終綱目冊王妃

惟壽王再書舍是無書冊王妃者矣

發明

開元二十三年書冊壽王妃楊氏至是又冊韋氏則楊氏為壽王之偶已非一日明皇奪而有

之則紊亂三綱絕滅天理不可立於人上矣夫納伋之妻作新臺于河上而要之釋者謂伋妻自齊以來未至於衛而宣公為臺以待其至是時國人猶且惡之烏有十年子婦而可奪之為已有邪綱目直書其惡甚矣不遂為狄所滅豈非幸歟

九月以韋堅為刑部尚書楊慎矜為租庸轉運使

堅以通漕有寵遂有入相之志又與李適之質實李適之京善林甫由是惡之故遷以美官實奪之權也

兆人

安祿山討奚契丹破之考證

討當作擊

祿山欲以邊功市寵數侵掠奚契丹奚契丹各殺所尚公主以叛祿山討破之

冬安祿山奏立李靖李勣廟

祿山奏臣討契丹至北平郡夢先朝名將李靖李勣從臣求食遂命立廟又奏薦享之日廟梁產芝質實

北平郡注見秦王政三年

書法

丞相亮廟習隆請立也不書某請此其書祿山奏立何著欺也祿山前奏致烏食蟲今又奏夢

從求食及廟梁產芝皆欺也其謫若此猶以赤心信之不至於大亂不止矣

發明

英衛唐之名臣使見祿山則必唾去惟恐或後烏有反從求食之理其為誣罔蓋不待智者而後知也然祿山所以敢肆其欺者亦以玄宗自為妖怪惆恍之說故乘而譎之耳綱目特書奏立奏在祿

山而聽在玄宗
蓋亦交賕之也

以王鉷為京畿采訪使

初鉷為戶口色役使敕賜百姓復除鉷奏徵其輦運之費廣張錢數使市輕貨百姓所輸乃甚於不復除舊制戍邊者免其租庸六歲而更時邊將貶敗士卒死者皆不申牒貫籍不除王鉷皆以為避課六歲之外悉徵其租庸有併徵三十年者民無所訴上在位久用度日侈又不欲數於左右藏取之鉷知上旨歲貢額外錢帛百億萬貯於內市以供宴賜曰此皆不出於租庸調上以鉷為能富國益厚遇之中外歎怨至是以為御史中丞京畿採訪使楊釗侍宴禁中專掌摶捕文簿鉤校精密上賞其強明曰好度支郎諸楊數徵此言於上又以屬王鉷鉷因集覽色役使色科名也使去聲主掌諸色雜奏充判官徭役者復除復芳目反亦除也謂除免

其賦役也租庸調高祖質實京畿注見太
武德七年初定租庸調宗貞觀五年

丙戌五載春正月貶韋堅為縉雲太守皇甫惟明為播州太

守

李適之性疎率李林甫嘗謂之曰華山有金礦采之可
以富國上未之知也他日適之言之以問林甫對曰
臣久知之但華山陛下本命王氣所在鑿之非宜故不
敢言上以林甫為愛已謂適之曰自今奏事宜先與林
甫議之適之由是束手而與韋堅並親林甫愈惡之初
太子之立非林甫意林甫思異日為已禍欲動搖之隴
右節度使皇甫惟明嘗為忠王友時破吐蕃入獻捷見
林甫專權勸上去之林甫知之使楊慎矜密伺其所為
會正月望夜太子出遊與堅相見堅又與惟明會於景
龍觀慎矜遂告堅與惟明謀立太子收下獄林甫使慎

矜等鞫之上亦疑堅與惟明有謀而不顯其罪
集覽 皆貶之親黨生者數十人太子表請與妃離昏

縉雲

古縉雲之墟越地吳立臨海郡唐玄宗改縉雲郡德宗
改為處州大歷間以處士呈見故也播州本西南徼外
蠻夜郎且蘭地唐置播州在湖廣溪洞中踈率麓踈率
略也顏師古曰踈率心不精王氣王興也太玄經曰五
行用事
質實 縉雲郡名注見高宗顯慶元年播州注見
者王
漢武帝元光五年牂牁華山注見周安王

十五年
秦華

以王忠嗣為河西隴右朔方河東節度使

忠嗣始在朔方河東每互市高估馬價諸胡間之爭以
馬求市由是胡馬少唐兵益壯忠嗣仗四節控制萬里
天下勁兵重鎮皆在掌握與吐蕃戰於青海積石
皆大捷又討吐谷渾於墨離軍虜其全部而歸
集覽

青海注見高宗儀鳳三年積石注見太宗貞觀九年墨離軍括地志云瓜州西北千里有墨離軍即其地也

夏四月李適之罷

韋堅等既貶適之懼自求散地罷政事其子衛尉少卿
雲嘗召客客畏李林甫無一人敢往者初適之與林甫
有隙適之領兵部尚書林甫使人發兵部銓曹姦利事
收吏六十餘人付京兆尹蕭昊使法曹吉溫鞠之
溫置吏於外先取二重囚訊之號呼之聲所不忍聞吏
聞之大懼引入皆自誣服頃刻獄成敕誚責前後知銓
侍郎及判南曹郎官而宥之始太子文學薛嶷薦溫才
上召見顧疑曰是一不良人朕不用也及林甫欲除不
附已者求治獄吏吳薦溫于林甫林甫大喜溫頃之兄
子也又有羅希奭者為吏深刻林甫引為殿中侍御史
二人皆隨林甫所欲深淺鍛鍊成獄

集覽

散地猶言閒處也雲胡甲

反鍛鍊成獄吏入人罪猶
工治陶鑄銀鍊成熟也

質實

吉溫洛州
河南人

以陳希烈同平章事

希烈以講老莊得進專用神仙符瑞媚於上李林甫以
希烈柔佞易制故引以為相政事一決於林甫希烈但
給唯諾故事宰相午後六刻乃出林甫奏今太平無事
已時即還第機務皆決於私家主書抱成案詣希烈書
名而**質實**老莊注見晉成
帝咸康三年

五月朔日食○秋七月敕左降官日馳十驛

以流貶人在道逗遛故有是
敕自是左降官多不全矣
質實逗遛注見漢宣
帝本始三年

加嶺南經畧使張九章三品以王翼為戶部侍郎

欽定四庫全書

御批資治通鑑綱目

卷

楊貴妃方有寵每乘馬則高力士執轡授鞭織繡之工專供貴妃院者七百人中外爭獻珍玩九章翼所獻精美九章加三品翼為戶部侍郎民間歌之曰生男勿喜女勿悲君今看女作門楣妃欲得生荔支歲命嶺南馳驛致之嘗以妬悍不遜送歸銛第上遂不食及夜力士奏請迎妃歸院遂開禁門而入後復以忤旨遣歸吉溫因宦官言於上曰陛下何愛宮中一席之地使之就死而辱之於外舍邠上亦悔之遣中使賜以御膳妃對使者涕泣曰金玉珍玩皆陛下所賜惟髮者父母所與乃剪髮一縷而獻之上遽召還寵待益深

冬殺驍衛兵曹柳勣贊善大夫杜有鄰

有鄰女為太子良娣其長女為勣妻勣性狂疎好功名喜結交豪俊淄川太守裴敦復北海太守李邕皆與定交勣與妻族不協欲陷之為飛語告有鄰妻稱圖識交構東宮指斥乘輿林甫令吉溫鞠之乃勣首

謀遂與有鄰皆杖死太子亦出良娣為庶人

集覽

贊善大夫唐東宮官有左右贊善大夫各五人

掌傳令諷過失贊禮儀飛語猶言飛狀注見開元十七年圖議注見漢平帝元始四年指斥亦指也指

斥深瀆直言之也

質實

淄川郡名注見宋明帝泰始三年北海郡名注見漢桓帝永康元年青州

東宮注見宋文帝元嘉二十七年

書法

於是勳為飛語以陷有鄰有鄰以無實書殺宜也勳則曷為亦以殺書殺不以其罪也有

鄰女為太子良娣其長女為勳妻林甫故實其事以陷太子因使吉溫奏勳首謀故勳雖傾險綱目舍勳所以惡林甫也書之以殺而後有任其咎者矣

丁亥六載春正月殺北海太守李邕及皇甫惟明韋堅等

王琚李適之自殺

江華司馬王琚性豪侈與李邕皆自謂耆舊久在外
意快快李林甫惡其負材使氣欲因事除之因別遣
羅希奭按邕與裴敦復皆杖死邕才藝出衆盧藏用
常語之曰君如干將莫邪難與爭鋒然終虞缺折耳
邕不能用林甫又奏分遣御史賜皇甫惟明韋堅等
死希奭所過殺遷謫者李適之仰藥琚自縊適之子
雷迎喪至東京林甫令人誣告殺之給事中房琯坐
與適之善貶宜春太守林甫恨韋堅不已遣使於循
河及江淮州縣求堅罪收繫綱典船夫徵剝
逋負延及鄰伍死者甚衆至林甫卒乃止
集覽干
莫邪正義曰二劍名也將無明音但人皆讀作鏑邪
余遮反漢書音義曰干將韓王劍師也索隱曰應劭
云干將吳大夫善冶者與歐冶子同師俱能為劍歐
冶子在越鑄劍五口三口入於吳一日盤郢二曰魚

勝三曰湛廬吳王闔閭得而寶之以故使劍匠作劍
二口匠作劍不成干將曰昔吾師作冶金鐵之精不
銷夫妻俱入爐中然後成物於是其妻乃斷髮剪爪
與夫望爐俱躍遂投爐中乃成故陽曰干將陰曰莫
邪陽作龍文陰作漫理終虞虞慮也所過殺遷謫者
羅希與所經過處應有坐遷謫者盡殺之綱典主漕
運案牘質實江華郡名注見中宗嗣聖七年道州房
之吏質實河南人宜春郡名注見高宗儀鳳元
年

書法

於是邕與敦復皆以勳黨坐杖死不書敦復
何畧之也曷為畧之敦復林甫黨也黨於林

甫而卒為所殺亦自取矣故不書然則王琚適之
則曷為止以自殺書上書殺某某某下書某某自
殺則其自殺也
有迫之而然矣

發明

世之治也昆蟲草木皆得其生世之亂也公卿大夫不得其死觀綱目所書自柳勣杜有

鄰以至李邕王琚李適之等皆當時薦紳不免無罪見殺則民之無告而死者又可知矣古人亂邦

不居無道則隱蓋為此也雖然明皇蔽於林甫雖愛子猶且不免況大夫士乎

除絞斬條

上慕好生之名令應絞斬者皆重杖流嶺南其實有司率杖殺之

書法

書予之也綱目卹刑之政書除十詳漢惠帝四年皆予之也

令天下嫁母服三載考異

提要嫁上為字

集覽

嫁母服三載嫁母謂父卒

母嫁禮降服杖期今乃令天下為嫁母服三年文公家禮曰子為父後則為嫁母無服

書法

嘗敕五服並從經傳矣既又加母黨服於是又令嫁母服三載綱目並書之得失昭然矣

發明

自武韋增加母服屢見譏於君子然婦人自崇其黨無足言者今玄宗乃無故令天下嫁

母服三載果何謂哉夫嫁母於義已絕猶增重如此則逮事之母當如何耶此於理不通而不可以強推者是不獨知母而不知父而已大書于冊可勝歎哉

○令士通一藝以上皆詣京師

上欲廣求天下之士命通一藝以上皆詣京師李林甫恐草野之士對策斥其姦惡建言舉人卑賤恐有俚言污濁聖聽乃令郡縣精加試練送省覆試具名聞奏既而至者皆試以詩賦論遂無一人及第者林甫乃以野無遺賢上表稱賀

書法

於是林甫難之覆試無一人及第者則其書之何甚玄宗之暗也終綱目書舉經士六拜

漢平帝元始四年具

文無如天寶者矣

以安祿山兼御史大夫

祿山體肥腹垂過膝外若癰直內實狡黠令其將劉駱谷留京師誦朝廷指趣歲獻俘虜雜畜奇禽異獸珍玩之物不絕於路其在上前應對敏給雜以詆譎上嘗戲指其腹曰此胡腹中何所有其大乃爾對曰更無餘物止有赤心耳上悅又嘗命見太子祿山不拜左右趣之拜祿山曰太子何官上曰此儲君也朕千秋萬歲後代朕君汝者也祿山曰臣愚鄙者唯知有陛下一人不知乃更有儲君不得已然後拜上以為信然益愛之上嘗晏勤政樓獨祿山於御座東間設金雞障置榻使坐其前命楊銍娣弟皆與祿山叙

兄弟祿山得出入禁中因請為貴妃兒上與貴妃共坐祿山先拜貴妃上問何故對曰胡人先母而後父

上質實

詠諧注見漢武
帝建元三年

發明

祿山胡人目不知書御史大夫乃風憲之長朝廷清選以之兼職可謂非其倫矣直筆書

之亦足貽千古之笑也

夏四月王忠嗣解河東朔方節度

李林甫以忠嗣功名日盛恐其入相忌之安祿山潛蓄異志託以禦寇築雄武城請忠嗣助役欲留其兵忠嗣先期而往不見祿山而還數奏祿山必反林甫益忌之忠嗣固辭河東朔方節度許之

冬十月如驪山溫泉名其宮曰華清考異

如上帝字漏

質實

驪山注見秦始皇三十七年一統志云溫泉在西安府臨潼縣東南二里驪山之麓秦始皇於此砌石起宇漢武重加修飾華清宮在驪山下唐太宗所建以溫湯所在初名溫泉宮玄宗改曰華清治湯為池環山列宮室每歲臨幸內有飛霜九龍長生明珠等殿久廢今湯存焉

書法

未有書名其宮者書名其宮何譏溺愛也與前書更集仙為集賢者大異矣

○將軍董延光攻吐蕃石堡城不克十一月以哥舒翰充隴右節度使貶王忠嗣為漢陽太守

王忠嗣以部將哥舒翰為大斗軍副使李光弼為河西兵馬使翰本突騎施別部酋長光弼契丹王楷洛之子也皆以勇畧為忠嗣所重每歲積石軍麥熟吐蕃輒來獲之無能禦者翰先伏兵於其側虜至斷其

後夾擊之無一人得返自是不敢復來上欲使忠嗣
攻吐蕃石堡城忠嗣上言石堡險固吐蕃舉國守之
非殺數萬人不能克臣恐所得不如所亡不如厲兵
秣馬俟其有釁然後取之上意不快將軍董延光請
行上命忠嗣分兵助之忠嗣不得已奉詔而不盡如
其所欲李光弼曰大夫以多殺士卒之故不欲成延
光之功雖迫於制書實奪其謀也何以知之今以數
萬衆授之而不立重賞士卒安肯為之盡力乎然此
天子之意也彼無功必歸罪於大夫大夫何愛數萬
段帛不以杜其讒口乎忠嗣曰今以數萬之衆爭一
城得之未足以制敵不得亦無害於國故忠嗣不欲
為之忠嗣今受責天子不過以一將軍歸宿衛其次
不過黔中上佐忠嗣豈以數萬人之命易一官乎光
弼曰大夫能行古人之事非光弼所及也延光過期
不克言忠嗣沮撓軍計上怒李林甫因使人告忠嗣
欲擁兵奉太子殺徵忠嗣入朝委三司鞠之上聞哥

舒翰名召見悅之以為隴右節度使而詔三司曰吾
兒居深宮安得與外人通謀此必妄也但劾忠嗣沮
撓軍功翰之入朝也或勸多齎金帛以救忠嗣翰曰
若直道尚存王公必不冤死如其將喪多賂何為三
司奏忠嗣罪當死翰力陳其冤上感悟貶忠嗣漢陽
太守范氏曰王忠嗣可謂賢將矣不為無益害有益
不以所得易所亡不顧一身之危而惜士卒之命其
可謂賢將矣然忠嗣知石堡之不可取莫若固守前
議均之得罪不亦宜乎既黽勉奉詔而復撓其謀使
讒人得以藉口豈忠嗣思之未至邪○李林甫屢起
大獄以楊釗有掖庭之親乃引以為援事有微涉東
宮者皆指檣使之奏劾付羅希奭吉溫鞠之釗因得
逞其私志所擠陷誅夷者數百家幸太子仁孝謹靜
張垧高力士常保護於上前故林甫終不能間也
集覽哥舒翰哥舒虜複姓元和姓纂云哥舒本突騎
施別部之號後因為氏焉大斗軍涼州有大斗

軍因大斗拔谷為名黔中上佐黔中注見周顯王七年上佐官名也別駕長史司馬通謂之上佐指擿指示挑撻也質實哥舒翰營州柳城人積石軍莫詳處垣其致反所惟河州衛軍民指揮使司城西北一百二十里有積石關唐置軍於此防守未知是否智者察焉厲兵秣馬注見晉孝武太元十七年漢陽郡名本春秋鄭國地戰國屬楚秦屬南郡漢為江夏郡安陸縣地三國屬魏後屬吳皆為重鎮晉立沱陽縣為江夏郡治後郡移治安陸縣宋齊梁並屬江夏郡後周屬竟陵郡隋屬復州大業初屬沔陽郡唐置沔州治漢陽縣天寶初改漢陽郡乾元初復為沔州寶歷初州廢周世宗平淮南以漢陽縣置軍宋熙寧中廢為縣紹興中復置軍元至元中陞為漢陽府本朝因之隸湖廣道掖庭注見漢光武建武二年

殺戶部侍郎楊慎矜

慎矜為上所厚李林甫浸忌之慎矜與王鉞父中表兄弟也故引鉞入臺及鉞遷中丞慎矜猶名之鉞意不平慎矜不之覺也嘗與之私語識書慎矜與術士史敬忠善敬忠言天下將亂勸慎矜於臨汝山中買莊避亂林甫知鉞與慎矜有隙誘使圖之鉞乃遣人以飛語告慎矜於隋煬帝孫與凶人往來家有識書謀復祖業上大怒收慎矜繫獄命楊釗盧鉞同鞠之使吉溫捕敬忠於汝州敬忠與溫父善溫幼時敬忠嘗抱撫之及捕獲溫不與語鎖其頸驅之馬前使吏誘之曰楊慎矜已款服惟須子一辨解意則生不然必死敬忠求紙溫不答敬忠懇請哀切乃令答辨還鞠慎矜引以為證慎矜皆引服惟搜識書不獲使盧鉞入長安搜其家鉞袖識書入閤中出詬曰逆賊深藏秘記以示慎矜歎曰吾不蓄識書此何從在吾家哉吾應死而已於是兄弟皆賜死

集覽

與王鉞父中表兄弟王鉞之父

名晉中表兄弟猶言外內兄弟也爾雅姑之子外兄弟也舅之子內兄弟也又魏楊阜稱外兄姜叙而皇甫謐列女傳云姜叙姑子楊阜則舅子稱姑子為外兄弟姑子稱舅子為內兄弟或曰兩姨之子為外兄弟姑舅之子為內兄弟臨汝河南汝

質實

一統志云臨汝縣名

唐初所置屬汝州後廢之故城在南陽府汝州西南六十里汝州注見漢光武建武二年梁縣

書法

慎矜培克罪人也書爵書殺何甚林甫也慎矜私語識書信有罪矣不至殺也誣而殺之

甚矣

十二月以天下歲貢賜李林甫

命百官閱歲貢物於尚書省悉以車載賜李林甫上或時不視朝百司悉集林甫第門臺省為空林甫子

岫為將作監頗以滿盈為懼嘗從林甫遊後園指役夫言曰大人久處鈞軸怨仇滿天下一朝禍至欲為此得乎林甫不樂曰勢已如此將若之何先是宰相皆以德度自處騶從不過數人林甫自以多結怨常虞刺客出則步騎百餘人為左右翼金吾靜街前驅在數百步外居則重闔複壁如防大敵一夕屢徙牀雖家人莫知其處

集覽

鈞軸鈞軸鈞陶凡輪也其中旋轉者取周回調均之義軸車軸也所以持輪者

鈞軸皆在物之要者故謂宰相秉鈞當軸言其居中用事也左右翼顏師古曰旁引其騎若鳥翼之為也軍左翼曰啓右翼曰肱楚辭天問篇曰並驅擊翼何以將之文公集註云六韜曰翼其兩旁疾擊其後金吾注見漢武帝太初元年又注見漢光武建武十二年

書法

書病玄宗也自書籍以來未有此賜矣綱目書賜金三賜銀器一賜錢一賜穀二賜帛四

賜服二賜第二賜錦綵一賜綵
一賜物一未有於此者也

發明

自林甫專政至是十有二年凡見於綱目所
書者初無一善可紀而玄宗方且倚之為股

肱心膂若何而不亡哉書以天下歲貢賜林甫蓋
自古所無也使林甫而果賢者其可以貨取乎

以高仙芝為安西四鎮節度使

仙芝本高麗人從軍安西驍勇善騎射累官四鎮節
度副使小勃律王及其旁二十餘國皆附吐蕃貢獻
不入討之不克制以仙芝為行營節度使討之自安
西行百餘日至連雲堡破之遣將軍席元慶將千騎
前行謂曰小勃律聞大軍至其君臣百姓必走山谷
第呼取出縉帛稱敕賜之大臣至盡縛之以待我元
慶如其言仙芝至斬其附吐蕃者數人急遣元慶往
沂娑夷藤橋甫畢而吐蕃救至娑夷即弱水不能勝

欽定四庫全書

御批資治通鑑綱目

卷四十三下

五

草芥藤樹閭盡一矢力修之暮年乃成仙芝虜小勃
律王及吐蕃公主而還上以仙芝為安西四鎮節度
使仙芝署封常清判官任以軍事自唐興以來邊帥
皆用忠厚名臣不久任不遷領不兼統功名著者往
往入為宰相具四夷之將雖才畧如同史那社爾契
必何力猶不專大將之任皆以大臣為使以制之及
開元中天子有吞四夷之志為邊將者十餘年不易
始久任矣皇子則慶忠諸王宰相則蕭嵩牛仙客始
遙領矣蓋嘉運王忠嗣專制數道始兼統矣李林甫
欲杜邊帥入相之路以胡人不知書乃奏言文臣為
將怯當天石不若用寒族胡人胡人則勇決習戰寒
族則立無黨陛下誠以恩洽其心彼必能為朝廷
盡死二悅其言始用安祿山至是諸道節度使盡用
胡人皆兵威成北邊天下之勢偏重卒使祿山傾覆
天下皆出於林甫專寵固位之謀也范氏曰明皇蔽
於吞滅四夷欲求一切之功是以林甫得以行其計

人君苟不能以義制欲集覽小勃律注見開元十年
述而不復何所不至哉第呼句絕第但也但呼

之令其出也第通作弟漢酈食其傳第言之陳勝傳
弟令母斬契苾何力契苾虜複姓何力其名契詰歷

反苾蒲結反慶忠慶王名琮忠王即肅宗也名亨並
領節度不出閤一切之功一切注見漢順帝陽嘉元

年正誤第呼取出繒帛稱敕賜之今按通鑑本文質
作第呼取出取繒帛賜之綱目倒出字也

實萬麗東夷國名注見漢武帝元封二年朝鮮安西
四鎮注見高宗永淳元年弱水注見宋武帝元嘉

六年阿史那社爾突厥處羅可汗之子貞觀十年率
衆入朝授左騎衛大將軍契苾何力鐵勒莫賀可汗

之孫貞觀六年率衆
內附擢左領軍將軍

書法

至是諸道節度多胡
人矣林甫為之也

御批資治通鑑綱目卷四十三下